



472 ~~507~~

F. Sax. Publ. 346.

X III ~~IV~~ VS.

X III
VS.

M. Gax. M. 154

Der Ursprung gemeynlicher
 Berckrecht/wie die lange zeit von den alten er-
 halten wordē/darauf die Küniglichen vñ Fürstlichen bergks or-
 nungen vber alle Bergrecht geflossen/welcher sich eyn jertz-
 licher in zufälligen Berckhandlungen/vor dem obristen
 Berckmeister vnd anderen Berckrichtern/zü recht
 wol gebrauchen mag/Auch ein anzeygung der
 clüfft vnd geng des Metallischen arz/wie
 die in berg vñnd thal streichent/vnd
 ihr geschick haben/Wit art-
 lichen Figuren ver-
 zeichner.

Sampt eyner anzeygung vil höfflicher vnd sündiger
 Berckwerck der löblichen Cron zü Beham.





Sein Ernuesten vnd Hochacht
barn herzn Johan Lucas. R. K. W. Rath vñ
diener/meinem gnedigen vñ gebietendē herzn.
Ernuester vnd Hochachtbarer gnediger vnd
gebietender herz. E. G. seien mein alzeit schuldig vñ güt gewilt
dienst mit höchstē fleiß Sumoran bereyt/ Gnediger herz/ Dieweil
ich. E. G. als eyn liebhaber der geschrifften Berckwercks vnd als
ler nutzbarer künstē erkēne/ Die mir auch bei weilant Key. Maxi
milians zeitē/ Hochloblicher gedächtnus als derē pfenigmeyster
Rath vñ diener Prunlegia über etliche biecher zürückē erlangt/
Vnd sunst vil gütthaten bewisen/ Bin ich der halben zürzeyg
ung meins däckbarn gemüts nit ring verur sacht. E. G. zū ehren
vnd gefallen dis büchlin (das lange zeit verdunckelt gewesen)
vnd vilen auch in sonderheyt Berckleuten zū erschießlicher nutz
barckeyt reychen würdt ans leicht zū bringē/ vñ. E. G. zū zūschrei
ben/ Darinnen sich. E. G. vnd andere zū ersehen haben / des vrs
sprungs aller Berckrechten / vñ sunderlich wie es die alten im an
fang gehalten. Wiewol es sich auch von tag zū tag gebessert/ vnd
die künstlichen bergs ordnungen darauß geflossen / wie auch alle
artickel in eyns yeglichē Fürsten land vñ Oberckeyt sunderlich ge
halten wordē / damit sich eyn yeder in zūfelliger bercks handlūg
darauß zürichten vñ in recht zū gebrauchen habe. Daneben wie
auch alle gāng / klüfft vñ fletzen/ in Berg vñ thale jr geschick vnd
streichens haben/ Mit anhangenden namen der altē verlegnen
Berckwerck / Sloblichē Kronē zū Beham (Welcher. E. G. auch
Rath vñ diener ist) vñ sich mit vilen edeln Metallen nutzlich be
wisen. Das wölle E. G. (bit ich dienstlich) zū danckbarer erzeyg
ung meins gemüts/ in gnaden gūnstiglich annemen/ mich auch
in gnedigem beuelch haben/ Bin vmb die selbig ich in alle weg zū
ver dienen schuldig/ willig vnd bereyt.

E. G. gütwilliger diener.

Johan Haselberger von
Reichenaw büchfierer.

1535-38



Elcher eyn Obrister auff einem Bergk-
werck / als ein Bergkmeister ist / in einem
Fürstenthum / Alles was vor jm gehan-
delt / das gezeuget er wol mit recht / auff
allen gebirgē desselbigē Fürstenthumbs /
Alle ander Amptleut / die setzt der obriste Berckmeister /
vnnnd bestetiget sie / als weit / als das Fürstenthumb ist.
Was auch für dem selbigen Berckmeister geteidingt /
die mögen mit Recht vor keynem statrichter gezeugen.
Es mag auch keyn Berckrichter auff eynem andern ges-
biertg zeugē / da er nicht richter ist / sondern was er in seinem
gericht höret oder siehet / das mag er woll bezeügen / vnnnd
sunst niemandt mer in seinem gericht Ist aber / dz vor dem
obristen Bergkrichter irgent was geteidingt das gezeuget
er wol / alles was eynem wissentlich ist vor dem statrichter.

Von dem lehen / vnnnd wie man die leiben soll.

Eyn itzlicher Bergk meyster oder lehen herz / hatt die ge-
walt von recht / das er itzliche genge / eynem itzlichen Bergk-
mann leiben mag / vmb der selben fürsten recht / also besten-
diglich / das er die genge heysse bawen wie recht ist / Das der
herz schafft nutz vnnnd frume daran erkandt wer.

Von dem Lehen / vnnnd leibunge.

Eyn itzlicher lehenherz sol den mercken dem er leibet / das
er in gewerē müge / wañ er eynen gang leibet / der behelt auff
dem gang für sich vierthhalb lehen / vnd hinder sich vierdhalb
lehen / vnnnd auff sein hangends vierdhalb lachter / vnd auff

A ij sein wo

sein ligends vierdhalblachter.

Von erb zu bereyten/ vnd wie man die bereyten soll.

So sich eyn zech vorleith das gemessene berg vnd wasser
geng seind wasser halbē das man vor wasser nicht gebawen
kan one stollen / so dan leuth kumen vnd müthen bei dem
Bergkmeyster / ob er in well leihen die zech / oder den broch/
vnd woll in feldt dar zu vererben zu eynem stoln vmb der her
schafft recht / der Berckmeyster mag in das wol leihē / Bring
en dann die leuth den stoln an die statt / vnd zu den brüchen /
das sie hoffen / das sie ertz finden / vñ mitten an den burgern
vnd an dem Bergkmeyster / das man in eyn Erb bereyt zu
dem stoln / so sol der Bergkmeyster dar zu reiten / es besehen /
als lieb im ere vnd trew ist / vñ sollen zu dem stollen / vnd zu
der zech den geben vnd bedeuten / als viel feldes / als es dem
stoln eben komet / vnd es der herschafft vnd dem stoln nutz
sei / Vnd woh das feld verbrochen ist / Wo aber vnuerbroch
en raßen were / also das nicht broch weren / da soll man keyn
Erbe zu dem stoln bereitten / Es würde dann daran erkant
der herschafft nutz vnd den burgern vñ Bergkmeyster / vñ
würt das erb bereyt / so gehn ab alle gemessene leihē / vnd wan
das erb bereyt würt / vñ dem stoln sein recht gegeben würt /
so sollen die gewercken / welchen das erb bereit würt / den bur
gern gebē vmb ire arbeyt / zwü marck / das seind acht schil
ling groschen vnd sollen dem Berckmeyster eyne geben / das
seind vier schilling groschen.

Es seind zweyerley stoln beschriben

damit man alle bergkwerck bauwet / zc.

Der eyn heyst eyn such stollen / Der Ander eyn Erblicher
stoln.

Vom

5

Vom süch stoln recht / wo wässerige berckwerck ligen / den man wassershalbē nicht gethün mag.

So die leüth zü dem lehen herzn kumen / vñ eyn süch stoln
müttē / vñ wellen den stoln treiben zü den gängē / vnd wel
len das Bergwerck / vertreugen / Wan der süch stoln also ge
legen würt von dem lehern / der beheldt das recht / wer seine
wasser siech annimpt / das vor jm noch hinder jm niemand
soll ansitzen / in vierthalb lehen / feret er also fern / das er jm
bringet / an die statt / das der stoln sibenthaler trieget / aber
eyns lebens tieff / das er beweisen mag / Alles das er dan vor
sarn hatt / in seiner wasser seich / dahien solle / noch darff nie
mandts einsitzen mit recht wider seinen willen / woh er die
teuffe nicht innē hat / als vor bestimpt ist er leubet eynem izo
lichen / in vierthalb lehen zü pawen.

Von erb stoln / was die vor recht habenn.

Wann ein erbhafter stoln von des obristen lehern
geliben ist / der vonn recht einen lochstein setzen soll / an die
stadt / vnd an sein ziel / dahin jm sein erbe bereiten ist zü ei
nem gedechnüs / das dauon hernach nicht krieg wurden /
ob man andern leuthen / auch ein erb darnach solte geben.
Aber einem gemessen bergk solte messen.

Von erb stoln recht.

Der erb stoln hat auch das recht / das niemand darff in
seinem ziele einschlahen / es sei verbrochē feld / oder vnuer
brochen rosen / von seinem ziele / biß an den lochstein mit
rechte wider der gewercken willen strengen auch die gewer
cken den stoln / das er treuget / anderhalbes lehen tieff / oder

2 ij züm

zūm minsten zehen lachter / so beisset er zū recht ein erbstoln
vnd alle gemessne leben / die in der marscheid ligē / vnd was
brüche seint / die in seiner marscheid ligē / wer darinne arbeit /
oben dem wasser / der mus das thū mit willē der gemerck
en / an dem erbstoln / Die weil der stoln aber also tieff nicht
treuget / als vor bemumet ist / die weil erbet ein itzlich man
wol also / das er die berge vnd brüche / nicht zū reisse die den
stoln bereiten sindt.

Von erbstoln recht.

Kumpt ein erbstoln mit seiner wasser seig an die genge
die im bereitet sein / findet er ertz allein / das doch in einem
freien sei / man musset keinē berck / findet er aber ertz an gen
gen / die vnuer schrotten sein / vnuerhauen / man musset im
einen berck / also das ein alle gemessne leben dinen vnd sie
behalte / in dem rechten / vnd er seinen stoln hat / Vnd ein
itzlich stoln / behelt das recht dz ein gemessen berck / hat auff
sein hangēds vierthalb lehē / vñ sein ligends vierthalb lehē.

Von erbstoln recht.

Kumet der erbstoln in gemessen leben / die bauhaft sein /
vnd nicht gearbeitet / zū dem stoln / die leben mögen dem
stoln nicht geweren / er fare darein / vnd dardurch also bes
cheidenlich / wann er kumpt an die leben / als der stolle / dar
ist kumen / auff der sole mag wol hawen vnder sich vñ ober
sich / also hoch als er mit einer kratzen erreichen mag / Also /
daß er der kratzen helm nicht lenger mache / vnd soll auch
nicht mehr nutz oder gewins daran haben / oder nemen /
die weil er in dem leben ist / vñ sollen auch die lehē dem stoln
das virthel zū kost geben / vnd wiehr darnach der erbstoln
hinkumpt / so soll man von recht / den selben gewercken / ein
Nuntel geben / das ist dauon / das er wint brenget / vnd
wasser

wasser

7
wasser benimpt / vnd der erbstoln soll ein Neuntheil habē /
durch vnd durch vnd nicht mehr / vnd das soll man geben
den gewercken / die den stolln erst haben angenommen / die
sollen auch den stoln mit irem gelde ymer fürsich treiben /
wü sie das Neuntheil haben wollen / wü sie aber des Neun-
denteils emperen wollen / da mögen sie wenden / vnd wer
dann den selben stolln fürbas treibet / der soll von dem zol
oder zins von rechte fürbas frey sein.

Von erbstoln.

Wo man einem erbstoln zu einem gebirg füret / vnd
mer stolln getrieben / welcher der aller tieffste ist / der behelt
von rechte die eigenschafft vnd sein recht / vnd also viel / als
einem gemessen berg / leit an eines stolln Marscheid / der
erbhafftig ist / als manch stund sechzehen / hofstedt behelt
der stolln.

Von erbstoln recht.

Wer da erbhafftige stolln bauet der soll sein wasser seig
vnd liechtloch fertigen / auff vnd nider an seinem stolln vnd
zübern recht vnd redlich / vñ soll den stolln stetiglich treiben
mit dreiē hewer. Beschicht dz nicht / vñ wirt d stoll mit drey
en hewern nicht getriebē / vñ d stol verleit sich acht tag nach
einander als wüst / das in niemants treibet / dz mans be-
weisen mag / mit einem erbhafftigen man / den d ober bergk
meister / denn selbest auff die zech heist reitten / vnd soll an
hebē andē stolln / auff die wasserseig / vñ soll besehē die liecht
locher / bis da des stolln haupt wendet / fundt er es den / also /
soll er den poten bey dem eid ermanē / ob er dem stolln nach
gefolget hab als recht sei / vnd den abebaw funden hab / als
im auff sein eid gegeben ist / bekennet er das / so sol der bergk
meister den botē fragē / eines vrtails / wes der erbstolln im sey
so sol

sei / so soll man den teilern in der herschafft gewalt / wer in
dann nuttet / mit der herschafft recht / dem soll in der bergk
meister leihen.

Von erbstoln recht.

Kein bergkmeister / noch obrister lebenherz / noch kein a
mathman / hat die gewalt / das sie auff keinen erb stoln / od
auff keinen gemessen bergen / mögē setzē / keinē steiger nach
hutman nach keinē Amathman / wider d̄ gewerckē willen .

Von erbstoln recht.

Erbstoln haben dannoch auch das recht / als fernē als
ein man geschiffen kan / mit einem bogen / als fern beheldt
ein erbstoln / oder ein gemessen berg feldes / daruff die bergk
leuth / jr vieh treiben vnd weyden.

Von bereitten erben.

Wan der bergkmeister / mit dē burgernein erb bereitet /
das soll von recht crafft haben / vnnnd bleiben / vnnnd kumet
dauon das man ettliche erbhaftige stoln / bei manchē jaren
nicht zū gewinnen bringen mag / were auch das der bergk
meister vñ auch die burger stürbē / ehe der erbhaftige stoln
gewinhaft werde / vñ wolt jemand das erb / od dē stoln hin
dern / vñ in jr erb od stoln / ansitzē vñ bauē / es wer sündig od
vnfündig / so sol der Newe bergkmeister / vñ newē burger /
allen denen entscheiden / nach kuntschafft / erbarer leuth / die
das gedenccken / vnd die den lochstein wissen . Wöchte man
aber jemants gehalten / dem darumb wissenthlich wer / so ist
es einem itzlichen frey zū bauen / welcher dann aber ertz fin
det / des die maß wert ist / dem soll darnach als der bergk ge
messen wirt / kein erbe berüren / das die gemessen berg hin
dern mag / dieweil sie bauhaftig sein.

Von

Von den Newfengen/ vnd wie man messen soll.

Wer ein Newengang findet / dem sol man sibenzach
ter messen/ vñ ist darnach einem andern man / auch auff
dem selben gang/ irr gelegen/ wie nahe er bey dem ersten
zol sey / findet der Erz/ man sol im ehr messen/ zu recht/
von welchem schacht er das behaldē / das das seine rechte
fundtgrub sey / von dem selben schacht soll man messen/
vñ ist das man im messen sol den selben gang / oder einen
andern/ so sol der zehender darzu faren oder senden. Ist
es dan der mas wert/ so soll er den Berckmeister heissen
messen.

(Zol)
Dz ist/ zins
od ein stewart
od kost / die
man dē stoln
gibt / das er
dest statlich
er gebawt.

Von Berckmessung.

Der Bergkmeister sol von recht den gang messen/ vñ
der finder sol im seine messpfenning darumb geben/ das
seind vier schilling/ vñ der Berckmeister sol komem auff
den gang / vnd soll fragen den finder/ welchs sein gang
vnd fundtgrub sey/ welche im dann der finder weiset/ die
er behalten darff mit seinem eyde/ die seine rechte fundt-
grub set/ dauon sol man im messen. So sol der finder tret-
ten auff seine hengbanck/ vñ soll zween finger legen auff
sein haubt/ vñ also sprechen/ das das meine rechte fundt-
grub sey/ also gebrauche ich meines haubts/ vnd meiner
vordern handt/ Also mir Gott helff/ vnd alle Gottes hei-
ligen/ so sol man den messen. So sol der Berckmeister die
schnur nemen / vñ sol sie legen mittē vff den ruenbaum/
vnd soll messen ein halb lehen/ denn ein ganges lehen soll
er geben in einem stoln/ das heissen rudelffter lehen. Die
vierthalb lehen soll der Neugenger bawen / mit einem
schacht / ob er sie bawet als recht ist / Dann sol er messen

Neugenger.
Ist d mitter

B in den

der lehētre
ger/ der den
gang ent-
löst/ vnd
ußgangen
at.

in den andern stolt/ auch vierthalt lehē/ ob sie sich ergehen
möge/ wo aber nit/ so sol man dē Neugēger sibē lehē mes-
sen/ fürsich/ vff dem gang. Verlegē sich die lehē dreier ver-
schicht nach einand / so mag sie der bergtmeister leihen/
vñ d̄ her schafft recht wer sie bawē wil/ wen dem berg vñ
Neugenger seine mas vñ recht gegeben wirt/ so ist es dan
fürbas in einē freien/ vñ als dan kōmen/ die da mitē wöl-
lē/ so sol der bergmeister aber leihē / welche darnach zum
ersten gemūt haben/ vnd fürbas immer mer also für sich
ymb der her schafft recht / kōmet es dann also fern/ das
man Erz findet auff den stolt gengen/ da bey auff dem
felde/ den sol man messen gleicher weiß als man zūvor ge-
messen hat/ den vorgeantē bergt/ es sey dan/ dz die mes-
sē rüch/ zū dem vorgeantē bergt/ oder vor eynē Erb stolt
der von den burgern vñ Amptleutē berittē ist / das muß
der maß gebrechē. Ist das zwen bergt vff zweien gengen
gemessen werdē/ bei einand / d̄ von erst gemessen wirt/ d̄
verlegt sich / der and̄ bleibt bauhafftiff/ vñ es kōme also
fern/ dz er wid verlegt wirt / so sol es dem/ d̄ bauhafftig
bliben ist/ nit schadē an seinem recht. Vñ findet er Erz/
man sol ein Marscheide wol geben/ dem der bauhafftig
bliben ist. Wen welche lehen / die erste lehung behalten
haben auff dem gang / die selben behalten jr recht / mit
besserem recht/ dan die sich verlegen haben.

Vonder Newfinder recht.

Newfenger / das seind lehentreger / sollen jr lehen von
niemandt anderst empfahen / dan von dem Bergtmeis-
ter/ Auch sol man den finder heissen raumē ein lehen/ an
yeglicher seiten seiner peroden der darnach ist/ es sey der
ander/ dritt/ oder vierd/ hat das selb recht nach dem/ der
seinen gang empfangen hat. Findet der erste Erz da es
der maß zūgehört/ so sollen die burger seinen gang heben.

lassen / züm wenigsten zween / die darbei seind / das Erz
sol züm minste eines lachters lang sein / zü süß auff der so
len / vñ gibet das Erz züm minste .iij. marck / vñ einē vier
ding silbers / das die burger begreiffen bey einem eyd / als
sie darüb gefragt werde / von dem zehendner / oder von
dem die an jr statt seind / so ist es maß wert / der selbige
Newfinder hat dz recht ober der mas / dz er sein stolln oder
lehen / richtē mag als langk sein lehen ist / vñ hat er mer
schecht in seinē lehen / es sein zwen oder drei. Sindē die bur-
ger in einē nicht / sie mögē in den andern faren / oder auch
in den dritten / in welchem sie finden solch Erz / als dauor
gesprochē ist / damit behelt der Newfinder sein recht / der
ander nach ihm der leihet / der hat dasselb recht / vñ also
der drit oder vierd. Hat aber der erst nicht Erz in seiner
grübē / oder in seiner sole / das maß weit ist oder in seinem
lehen / vñnd ist er auß seinem lehen gefarn / in ein freies /
vñ daselbst Erz funden / das maß weit ist / vñ das zü einē
offen schacht bracht / damit behelt er aber sein recht / wan
er der erst ist / Auch der ander / drit / vñ vierde mit dem
rechte / das da versprochē ist. Wirt aber ein gewerr / oder
ein krieg vnder in / vñ man nit waißt / auß welcher grübē
er den gangk empfangē habe / vñ will man ihn das nit er
lassen / so muß er schweren mitten auff den rüembbaum /
das der selb gangk sey / auß der selben grüben / den er ein
pfangen hat / als das recht / den also ergehēt vñ vorge-
sprochen ist / so soll man aller erst messen / Den Messern
gibt man sibē schilling der kurtzen / vñnd misset auch wi
der halb lehen / der fundtgrüben vierthalb lehen / vñnd
mag sich die maß nit ergeben / von der er messe / eines an
dern berges / So müste man die lehen alle nach einan-
der / nach einer seiten messen / vñnd was also zwischen den
Newfindern übrig ist / das heyst man eyn überschar.

(Burger.
Seind ge
schworne
männer.

B ij Dem

Dem Neufenger sol man geben an sein gestelle ein horn
das eins halbē lachters lang ist / das zwen man neben ein
ander stehen mögē / Vñ die gewergten / nemen ein steiger
wie sie wöllen / der ein namhafftiger man ist / den soll der
bergkmeister / mit dem eyde bestetigen .

Bawet yemand auff dem hangenden / oder auff dem
ligenden / also das man nicht weiß / ob es zü dem erbe ge
hör / oder züm gemessen berg / oder in einem freien sei / das
sol man zweien manen / die sich an jren ehren nit verruckt
haben / auff jren eyd geben / Also auch / das keyner teyl
hab an dem gebürg / die soll der bergkmeister darzū bestes
tigen / die sollen oben auff dem raßen die schnür ziehen /
von dem höchsten der geng / vñnd mögen sie es also ges
scheidē / es sol krafft haben / wo aber nit / so sol man von
den gengen der selben lehen / einen durchschlag fürē / auff
die zwen geng / wenn es das recht gibt mit der schnür /
vñnd mit dem winckelmess / das ist dan mit recht / vñnd man
soll das erz / das man die weil hawet verbieten / vñnd das
soll verbürget werden / also das es weder ein halb noch
anderthalf gefalle / biß das es das recht entscheide .

Vonder Warscheid recht.

So man Warscheiden sol vnder teuffe auff den geng
en / das muß man thun mit offenen durchschleggen / darzū
sol man getrew leut kiesē / das sie einem yeglichē weisen
in das sein mit gerechtigkeit / das lehen hat sibē lachter
zū recht / Ein ort das hat drei vierteil eins lachters / der
quartz schlegel hat anderthalf lachter .

Von klagen über teil / vñnd wie

man klagen muß .

Ist das eine klag bawet / der ein bawer ist / vñnd gibt
einem

einem andern teil / das er sie mit jm bawe / dieweil er jm
 kein kost gibt / so darff er nit klagen über die teil / Er gibt
 jm auch die selben teyl / ob er will oder nicht mit recht. Ist
 aber sach / das er jm eins oder mer kost gibt / so mag er jm
 mit recht / die teyl nicht geleucknen / er muß darüber klaz
 gen / vñnd muß jm die mit recht angewinnen. Wer auch
 das der selb seine kost gegeben hette / wissentlich seine ge
 wercken / vñ auch bei den gedinge geweest were / vñ wolte
 jm dan leucknen / er hette auch Erz oder nit / vñd bekenn
 ten jm das seine gewercken / das er recht vñd redlich ge
 bawet hett / das möchte er baß gezeugen / mit seinen ge
 werckē / wañ einer vorn alleyne / dauor geschwerē möcht.

Von klag vñd teil.

So ein man klagen muß über teyl auff gemessen geng
 en / das muß er klagen / drei erbende tag nach einander
 dem Bergkmeister / oder Bergkrichter zu büße / vñnd
 zu hoffe / oder auff dem marcke / oder auff der zeche / oder
 wo es ist / oder seinem gesinde / wo er nicht daheim wer /
 wie er die klag dar bringt / als oben geschriben steht / so
 hat es krafft.

Von klag über teile.

Wañ ein man zwir über teil geklaget / zum drittē mal
 muß er seinen kleger / oder beklagten mit sich bringen /
 hat in dan der bergkmeister bestetiget / so mag er in ma
 nen / als er ihm befolhen hat / ob die pfenning verdienet
 seind / bekennet das der stufen schleger / so sol er ihm die
 teil eigē auff die er geklagt hat / so muß er dan dem bergk
 meister / seine schöne geben / das seind von .xxvij. teilen .
 ij. gulden. Wañ jm dan die teile geeigent seind / so sol jm
 der bergkmeister / einen gewercken zu botten geben / der

B ij mit jm

mit im gehe / zu hause / oder zu hofe / vnd die teyl auff bie
te / Ob es ein gefessen man ist / des die teyl geweest seind .
Ist er aber vngesessen / so muß man sie auff bieten auff
dem marck / oder auff dem bergke Ist auch das ein man
über teyl klaget / auff seinen gengen / die vngemessen
seind / der sol auch dreier fürsicht darüber klagen .

Von clagen über teile.

Ist das ein man clage muß über erbhafftige teyl / die
ire kost noch geben / Den teylen muß er mit clagen nach
volgen acht tag von recht . Wan er dan die acht tag den
teyln gefolget hat / als recht ist / so muß er seinem stuffen-
schleger mit im bringen / den der bergkmeister bestetiget
hat / vnd der soll den stuffenschlager manen / ob das gelt
verdienet sey / bekennet das der stuffenschleger / so soll er
dem cleger die teil eigē / vñ sol nemen seine schōne . Were
aber das die gewercken wilckorn von dem bergkmeister /
das man klage nicht mer dann drei tag schicht / das hat
also krafft / als hette man eine wochen geclaget .

Von teyl züterliesen / vnd wie man die verlieren muß .

Wer teyl an bergen hat / an stoln / an lehen / oder lehen
schafften / die mag im niemand von verseumnus der kost
verliesen / also das man im die kost wolte anheischē / vnd
wolt ihm das zu schaden verschweigen . Heisset man im
aber die kost an / oder seinem vorsteher / vnd gibt er dann
der kost nicht / so muß der bergkmeister / über die teyl cla-
gen / So sol dan der bergkmeister einen botten / vñ einen
gewerckē im sendē / das er seine kost gebe zu rechter zeit .
Beschicket dz nit / so sol der bergkmeister / dem die teyl ei-
gen / der darüber klaget .

Von

Von teilen verlieren.

So yemandt in eyner grüben teyl hat / der im land ist / oder außserhalb des lands / verseumet sein besteller / oder sein verleger in seine teyl / das er drei wochen nach einander sein kost nicht gibet / oder nit zugeben hat / der verleurt sein teyl mit allem recht.

Von Trenckung / Erbe / oder lehen.

Trencket ein Erb das ander / oder trencken lehen eyn erbe / oder trencken lehen andere lehen / oder gemessen bergt / da offen durchschleg seind. Würet dan die erbe oder lehē / oder gemessen berg / die getrenckt werde einer marscheide / ob sie die vornicht haben / so soll man marscheiden / so man aller schierst gethon mag. Wüten dan die erbe / lehen / oder gemessen berg / die getrenckt werden / bättē der zii eigen dem bergmeister / die sol der berckmeister von recht / die sie kiesen / darzii bestetigē mit dem eyde / das sollen sein zwen mann / die sich an iren eren nit verruckt haben / die sollen darzii faren / vnnnd sehen das erbe oder lehē / oder gemessen bergt getrenckt werde / übereinem tham eines gemündes hoch / neben der strassen / oder ein lachter / oder zwo lachter / hie disse der stufen im irne zele Ober ganze strasse / vnnnd das es ihr frembd wasser sey / Bekennen das die botten bey dem eyde / oder mit dem eyde / den sie darzii geschworen haben / das das erbe oder lehen / oder gemessen bergt / das soll man eygen von recht / zii dem erbe / oder lehen / oder gemessen bergt / die also getrenckt werden / vnnnd soll ihn dan den frid darüber würcken vnnnd gebieten / vnd wann der frid darüber gewirckt vñ gebotten ist / so kanden gewercken /
den der

den der frid darüber gebottē ist / Keynerlei vrtail / das die
teyding anrürte / darnach zu schanden kommen.

Von der Erstē fürderung der gewerck en / wo sie Erbe bawen / oder stoln treiben .

So die gemercken einen stoln treiben in irem Erbe /
vñ lyhen hinder in / oder neben in mit irem lyher / so soll
sie von recht außnemen / das die gewercken zum ersten sol
len gefürdert sein / So sie es aber vergessen / vnd die ge
wercken triben jr stoln haubt vor sich / vnd qwemen knie
herte / das sie brennd müsten setzen / vñnd die lehen hewer
wolten sie daran hindern / das mag nit gesein mit recht .
Es werden lehenhern nemlich vorgelobet / so hielte man
in billich / wo das nicht geschicht / so sollen die gewercken
in irem Erbe oder gewerckē die lehen haben / oder gemes
sen bergt alle zu dem Ersten gefürdert sein / darnach
sollen sie fürdern die lehen herren / wo sie die gefürdern
mögen.

Von Erben zuuerlieren .

So yemand teil zu gesaget an einem gemessen gang /
bergt / oder an stollen oder lehen / oder lehenschaffren / die
einem andern gelegē seind / arbeit er da alle woch / zwo
oder mehr / vñnd der bergtmeister bekennet / oder leihet
den teyle einem andern / ihener verleurt sein erbtteil mit
recht.

Von teyln zuuerlieren.

Niemand mag des andern teyl verleihē wider seinen
willen / wen aber die gewerckē verleihen wöllen / auff ein
gebirg / oder in einem stoln / so sol der bergtmeister den
selben gewercken lassen zusamen gebieten auff einen ge
nanten

nanten tag / vnd was dan da verleget wirt / das sol von
recht krafft habē. Ist aber das die drei schicht darzu kom-
men / vñ die vierd schicht nit komet / die vierd schicht noch
drei achteyl mügen die leihung nit gehindern / die andern
verleihen wem sie wöllen.

Von gemitten teilen.

Hat ein man teyl gemittet / da man erz hauet / 8 mag
hawer legē vñ sendē tag vñ nacht / wiewil er will / vñ mag
bauwē auff s aller nüzlichst er kan / biß zu sein tage / vñ
der sol jm / 8 jm die teyl vermittelt hat / von recht nit werē.

Von teyln die man verleihet.

Item so yemand seine teyl einē andern verleihet / es sei
an bergē / stollē oder lehē / vmb ein eigē schaffte / sie sey groß
oder kleyne. Ist dz eyner / der sie zu lehensschafft empfangē
hat / an seiner eygenschafft / nit ein gebiet / sie sey groß od
kleyne / wenigk oder viel / er verleuset sie mit recht / vñ die
lehē schafft damit. Ist aber das er dz nicht gehabē mag /
dem die eigenschafft gebüret / so sol er sie aufsteylen / mit
wissen eines gewerckē / vnd sol sie ein befelhen / damit be-
helt er sein recht / vnd seine eigenschafft vnd herschafft.

Von teyln zu behalten die ein man verbauet.

Der so auch teyl erbawet an berg stolln / lehen oder le-
hensschafftē / von weme ihn die ankomen seint / das er die
in gewalt hat / vnd mit den seinen gewercken Erz alda
erbawet / vnd das Erz auffhebet zwir nach dem ersten
an recht vnd spreche / vnd seine kost darzu gibet recht vnd
redlich / die teyl mag jm niemandt darnach angewinnen
mit keyne n recht / So auch ein man aufstendig des lan-
des were / vnd het seine teyl also bestalt / das eine kost ge-
C fiele /

fiele / vnnnd darumb sich niemands dieweil seines Erzes /
das künde im zu seinem recht nit geschaden.

Von Erz zu enthawen.

Ist dz bergkleut neben einander bawen / es sey an ber-
gen / stoln / lehē / oder lehenschafften / einer mag dem an-
dern enthawē / vñ angewünē seins bergs vñ seins erzes /
so er am meisten mag / biß das sie gegeneinander durch-
schlagen / So das geschiet / so sollen sie beide den durch-
schlag reumē / jlicher ein vierteyl eines lachters / biß das
geschworne darzu kumen / vnd entscheiden / vñ einen jtz
lichē weisen / wo er mit recht in dem seinē müge gearbeitē

Von Erz zü verbieten.

Es mag kein man dem andern Erz auff dem bergē
mit recht verbieten noch versprechē / vmb keynerlei schuld
oder gelt / sunder alleyn vmb sampkost der gewercken .

Von acker teil recht .

Wo man Erz süchen will / das mag man wol thün /
vnd das sol von recht niemant werē / komet jener des das
Erz oder das feldt ist / vñ fordert sein acker / dz ist . xxxij .
teyl / vñ beutet seine kost wissentlich zweien fromen man-
nen / er man korben / oder zeil einwürffet / der hat es mit
recht / Der dorff herr hat nichts daran . Gehet aber das
Erz übersich / so ist der zins von badstuben vnnnd fleisch-
bencken / des dorffs herrn mit recht . Aber das gericht vnd
alle ober amacht zü setzen / vnd zehendern vnd nütze ist /
den Fürsten vnd Fürstenthum das gelegen ist / vnd das
selber gehöret in ire münz von recht .

Von bescheidung leuten auff ein endthafftigen tag .

Wan

-13-

Wann ein bergkmeister leuthen bescheidet auff einen
endchafftigen tag/ zu gewin vñ zu verlust/ vñ sie kumē bei
der seits hin/ wann dan der richter oder bergkmeister will
einem zu legen/ vnd dem andern nicht/ vnd wil gewaltig
lich auffstehen von dem gerichte / one willen der schöp
pen/ vnd one erhaffte not/ es mag dem/ den er hindern
will / von recht nicht geschaden. Besetzen sie es mit den
schöppen/ das der Richter mit gewalt ist auffgestandē/
sie mögen jr recht wol erstehen.

Von lehenschafften zu behalden.

Wu ein bergk/ oder stolln/ oder lehē einander gebawē /
mit dem rechten/ vnd haben lehen hauwer / lehenschafft
darin/ die selben lehenschafft werden alle damit gewun
nen mit recht.

Von waltworchten zehendner/ vnd ganghawer.

Welch man walt worchet/ vñ hat teyl an einer grüben/
da Erz ist/ der sol von recht in die grüben nicht faren/ vñ
alle waltworchten sollen in keine grüben farē da Erz in
ist/ die weil sie waltworchten folgen / vnd gangthewer
nach zehendner/ sollen von recht keyn waltwerck haben.

Von den grüben Ampt/ leuthen recht.

So ein man geschworen hat zu dem recht der eyd sey
steiger/ geben/ zimberman / hutman oder was amacht
er hat / strafft man ihn durch die gerechtigkeit / seines
amechts/ vnd thut jeman mit bösen worten in der kaw
en/ oder auff der teilstat / vnd wirt er sein überwunden
mit zweien frumen mannen/ vnd mit einem gewercken/

C ij er ist

er ist verfallen. ix. marcken / die er zu büß geben sol / des
sol dem bergkmeister drei marck gefallen / den gewercken
drei / vnd dem sachwalden drei.

Was den geschicht / die sich wider die gericht setzen.

Wñ ein Bergkmeister mit den Schöppen des nachts
gehet / vñ friede zu stewart / Setzet sich dan jmandt wider
gericht / wirt der wundt oder zu todt geschlagē / so soll der
bergkmeister mit den schöppen / darnach ein gericht dar
über sitzen / vñ sol denne der sache mit clag folgē / als recht
ist / Wann der Richter das gethan hat / so mag er in wol
die helfft angewinnen / sie sein lebendick oder todt / was
auch ander leuth da gewesen sein / die man nicht begreiffen
kan / vnd wegt kumen sein / begreiffet man sie darnach /
den soll dasselbig geschehen von recht.

Von des Bergkmeisters büch.

Eines Bergkmeisters taffel oder büch / mag auff nie-
mant gezeugnis geben / Sunder allein das da geschrie-
ben wirt in den vier pencken / ingehetzten dingen / mit
wissen der / die das dingt helfen setzen / das sol von recht
krafft haben.

Von Hütten zins.

So jmandt hütten bawet auff eines herzn güit / er sey
Erb oder eigē / geistlich oder weltlich da das bergkwerck
auff leit / so soll der hütten zins / von recht des Fürsten in
der herrschafft sein / da gelegen ist / Vnd was holzes vff
der zech stehet / das in das Erbe oder zu dem gemessen
bergk gehört / das mögen die gewercken / mit recht wol
haben / Sie wolden den lassen von willen durch beschei-
denheit / Amen.

Dis

-21-

Diß seind die Bergkrecht die von aller
Erst sein von Bergkwerck funden / in Behamen vnd in
Merhern / von den Burgern von der Jgla / vnd von den
Eldisten Bergkleuten bestetiget vñ beschribē seind
vnd versigelt / vnder burger ingesigel / ein
nem jzlichen Bergkman züner
liesen vñnd gewinne.

DAls Erste ist / wañ des Königs
gewaltiger leihet mit recht / der burger vnd
geschwornen von der Jgla / icht verleihet
vnd bestetiget vnder sein eigens vnd vnder dem eigens
von der statt Jgla beschreibet / das / das krafft sol habē /
also bescheidenlichen / das an irem geschafft des Königs
mitte / vnd des Königs gebirge fürderung offenbar er
scheinen mag.

Von zweierlei stoln.

In einē jzlichen gebirg mit namen nicht mer stoln be
schriben sein / wañ zweierhandt / das eine heisset ein süch
stoln / Das ander ein Erbhafter stoln.

Vom süchstoln.

Der süchstoln hat das recht / Wañ sein gewaltiger lei
het mit den Schöppen von der statt / jr sein zween oder
mehr / wo sie sehē / das ein wasserseiges feldt leit / dem not
ist / das man einen süchstoln darzū füre / wann man den
leihet / der hat das recht / wo er seine wasserseige an ni
mer / dz vor jm / noch hinder jm / niemandt bey vierthalb
lehen ein sitzet. Füret er aber seinen stoln also fern / das er
jn brenget an die statt / das er beweisen mag / das er sibem
lachter treuget / oder eines lehen tieff / Alles das er dan

C ij verfas

verfarē hat in seiner wasserseig / darin soll noch mag nie-
mandt / on seinen willen einsitzen / wo er der teuffe nicht
reihet / als vor gesprochen ist / da ist erleublich auß vierd-
thalb lehen / einem izlichen zubawen .

Das Erbstolnrecht.

Wer da sprech das im ein Erbhafter stoln gelegen
sei / der soles beweisen mit seiner handt / festen / was im
darzu bereitet oder gegeben ist / wih er dann seinen stoln
hat angenommen / da hat er das recht / das niemandt /
wo der Raß vngebrochen ist zwischen sein stoln / vnd der
marscheid einsitzen mag / oder darff mit recht an seinen
willen. Bregt er aber den stoln an die stadt / das er treu
get anderthalbes lehen tieff / oder zum wenigsten zehen
lachter / So heisset es von recht / ein Erbhafter stoln .
Alle die selben lehen / die dann in der Marscheid ligen /
Es sey viergemeßne bergk / oder minder die namhaftig
sein / Ader bruch / was bruchs ist / der in seiner marscheid
leihet / wer darinn erbet hoben dem wasser / der muß
das thun mit willen des stolns vnd seiner gewercken /
Die weil aber der stoln nicht treuget als vor gesprochen
ist / dieweil arbeit ein izlich man / Also das er die berge /
oder bruche / icht riesse / die dem stoln beschriebenseint .

Das Ander Erbstoln recht .

Das ist auch Erbstoln recht / Kumpt er mit seiner was-
serseig an die geng / der berge / die vorbenant seindt / Sin-
det er Erz allein / das doch in einem freien sei / man mis-
set kei

set keyne berge. Findt er aber Erzgangen die vor vns
 uerschroten vnd vnuerhaben sein / man mißet jm einen
 berg. Also das er die sieben lehen beheldet in dem rechten /
 vnd er seinen stoln hat / an der lehen / sie seint Königsch /
 oder ander herin / oder der burger gefallē / dem der recht
 darzu hat / also bescheidenlich / den Erbarn Königē hern /
 lehen den herin / jr lehen / den burgern / jr lehen / vñ ein jtz
 licher stoln behelt das recht / das ein gemessen bergk hat /
 auff sein hangendt vnd ligendts vierthalb lehen / vnd
 sein ligendts eins.

Von den Rechten der bur ger vnd Erb stoln.

Burger lehenrecht / die in disen bergen ligen / die vor
 benandt sein / haben das recht / wo der rafe / zinnorbroch
 en ist / da sie sich nicht vorlegen möcht. Ist es aber / das
 die schöppen vnuersprochlichen ire lehen vor hant festen /
 zu dem stoln / so beheldet sie der stoln. Ist aber das imant
 der berge / die benant sein / da keinen bestellen will / so
 sollen die burger ihr lehen / dabei bestellen / ob sie es nicht
 vorlehen haben / Also das sie wasser halden / neben einem /
 komet da eine klag über / das sie nechste lehen trenckē / mit
 ihrem wasser / Da sol man hin senden geschworne leuht
 die das besehen / welche lehen die besagen / das sie die an
 dern trencken / die sol man zu den andern eigen zu dreien
 tagen / das heissen drei lange schicht. Also gewinnet ein
 gemessen bergk / den andern im langen lehen / ein burger
 lehen / ein horn lehen / vnd das selb widerumb.

Das

Das Dritte recht.

Erbstoln haben das recht / kumpt der selb an ein bur-
ger lehen / das da bauhafftig ist / vñ nicht geerbet zu dem
stoln / das burger lehen mag in nicht geweren / er fert dar
ein / vñ dadurch / so bescheidenlich / wan er kumpt in das
burger lehen / als der stoln dar komen ist / Auff der sole
mag er wol hauwen / ober sich vñ vnder sich / also hoch /
als er mit einer Kragez gereichen mag / nicht mer nutz
nimpt er da / vñ weil er in dem lehen ist / Die weil soll das
lehen dem stoln / das viertheil der kost geben / das kumpt
dauon / das er im wasser benimpt vñ windt brenget.

Das vierderbstoln recht.

Erbstoln haben das recht / fert man mehr stoln dann
einen / zu einem gebirg / welcher der aller tieffeste ist / der
behelt sein recht / vñ die eigenschafft / vñ also vil gemes-
sener berge / ligē in eines Erbstoln marscheid / als manch
setzen hofestet.

Das fünffte Recht.

Der Erbstoln oder gemessene berg gewinnen will /
der soll sie gebieten zubestellen / drey vierzehen tag / zu
Kirchen vñ zu strassen . Zu außgehn der sechs wochen / sol
der leihertz nemen zwen Schoppen / vñ sol auff den stoln
reiten / oder auff den bergk . Findet er in nicht bauhafftig
das er beweisen mag / er besetzt es mit den Schöppen /
vñ sol es teidingen in des künigs gewalt / vñ mag es lei-
hen vñ geben weme er will / zc .

Das sechste Recht .

Das ist auch Erbstollen recht / hebet er seine wasser sei-
ge auff / oder fertiget seine liechtlöcher / vñ hat in jare
vñd. viij.

vnd. viij. tagen/ ein lachter an dem haubt des stoln gefas-
ren/ dz er beweien mag / Niemand kan jm mit recht icht
angewinnen.

Das sibendt Recht.

Keyn erb/ oder leiher hat die gewalt/ das er auff key-
nem Erbhaftigem stoln / oder auff keynem stehn lehen
gesetzt mag / einen Bergkmeister / oder eynen schmid/
oder steiger/ one der gewercken willen.

Das acht Recht.

Das ist auch erb stoln recht/ also fern als ein man mit
einē bogen geschiesen mag/ also fern beheldet sein bergk
feldes/ darauff die bergkleut jr viehe speisen.

Volgen recht von dem

Neufenger.

Neue geng haben das Recht / das man sie empfahen
sol/ von niemant dann allein vom leiher/ von recht gibet
er nicht mehr dann ein. xvij. teil/ vnd den soll man heis-
sen rümen ein lehen der darnach ist / Es sey der ander/
drit/ oder vierd / hat dasselb recht/ findet er Erz / da er
der maß zugehört. Die schöppen sollen seinen gang bes-
haben/ züm minsten zween / das Erz sol züm minsten
eins lachters langk sein zü fuß / das in seiner sole gehet/
das ein vierdung silbers über alle seine hutten kost gebe/
vnd das die schöppen begrieffen mit irem Eyde ob sie ge-
fraget werdē von dem verleihher/ So ist es der maß wert/
Der selbe Neufenger hat das recht an der maße / das er
seine soll recken mag/ also langk als sein lehen ist / hat er
mer schlechte / in seinem lehen / er sein zween / oder drei/
finden die schöppen in einem nicht / so mögen sie faren in
den andern/ oder in den dritten/ in welche sie finden solch
Erz

Erz

Erz als vorgespochē ist/ damit behelde der Newfenger
sein recht / fundē sie aber nicht in der andern/ noch in der
drittē/ noch in dem der leherz gestehet/ d hat dz selb recht/
hat aber d erst nit Erz in seiner sole/ das maß wert sey/
od in seinen lehenen / vñ ist auß seinen lehenē/ gefarē in ein
freies/ vnd hat Erz funden/ das da mas wert ist/ vñnd
hat das zū einem offen schacht bracht / damit behelt er
aber sein recht / wan er der erst ist/ der ander/ dritt/ oder
vierd/ hat das selb recht/ als vor gespochē ist. Wirt aber
ein wert vnder in/ das man nicht weiß auß welcher grū-
ben er den gangt empfangen hab/ will man es in nicht er-
lassen/ er muß schwerē mitten auff dem rumbaum / das
er seinen gangt/ auß der selben grūben empfangen habe
als das recht eget/ vñ vorgespochē ist / so soll man aller
erst messen/ den messern giebet man sieben schilling/ der
Kurtzen/ vnd misset außwendig der halden/ der fundegrū-
ben vierthalb lehen / darnach an izlicher seiten ein Kön-
gisch lehen/ vnd darnach ein burger lehen/ vnd ein herrn
lehen/ mag sich dise maß nicht ergehen/ vor andern berg
masse / so misset man dise lehen alle an einer seiten nach
einander / vnd was zwischen dem Newfang vnd bergen
ist überich / das heisset man ein überschar / Dem New-
fenger sol man geben/ an sein gestelle ein horn / das eins
halben lachters langt sey/ da zween man neben einan-
der gestehn mögen / daran die gewercken nemen einen
Bergtmeister wen sie wöllen/ also das der selbe teyl mit
im habe zūm minsten. xxxij. teyl/ vnd wer an des Erba-
rers stadt ist/ der soll an den eyde gehen.

Das acht Recht von Schmiden.

Das da

Das da schmidt amacht heissen/da beheldet der erbar
rer eine schicht / an die gewercken drei teyl. Hawet der
Newfenger die sieben teyl lehen/mit dreien schichtē / vnd
grüben/ vnd zwey endelste lehen/ der erbarer mag in nit
höher gedringen/ Ein lehen mit dreien orttern/eine lehen
schafft mit ein orth.

Von winckelmaß recht.

Hawet jmandt auff dem hangenden/ oder ligenden/
also das man nicht weis/ob es züm berg gehört oder frey
ist/das sol man dreien gemeinē menner geben/auff irem
Eidt/den vierden von des Erbarers wegen/ also das jhz
Keyner da teyl habe/ an dem gebirg/ die sollen oben auff
dem rase die schnür ziehen/auff von dem höchsten der
geng/ mögen sie es gescheiden/ es soll krafft haben / Wo
aber nicht/ so soll man von den gengen/der sieben lehen/
einen durchschlag füren / an die Lawen geng / Wenn
er dann recht giebt mit der schnür/ vnd mit dem winck
elmaß/ des ist das Erz / Jedoch soll das Erz/ das man
diweil hawet verborget werden / Also das es weder eyn
halbe noch anderthalbe gefalle / biß es das entscheyde /
Keynerbarer hat das recht / einen Richter züsetzen auff
dem berge / one der gewercken willen. Niemandt mag
auch des andern teyl verleihen / wider seinen willen. Ist
aber das man will auff einem berg vorleihen/oder auff ei
nen stoln/ So soll der Bergmeister den gewercken/an ei
nem Sontag / oder an ein andern tag/ welcher im ges
felt / auff das gebirg züsammen gebieten / vnd was
da verlegen wirt vnd beschicken / das hat krafft. So
aber die drey schicht dar kummen / vnd die vierd nicht
kummen / haltet fünff achteyl / vnd die dreie nicht.

D ij Die

Die vierde schicht / noch die drei achteyl / mögē nicht gehien
dern / die andern lehen wen sie wöllen.

Gemeine recht in verleihung.

Ist das jemandt spricht das er teil habe / an einem ge
messen berg / an stolln / an lehen / oder an lehenschafft /
vñ der selb berck oder stoll / oder des andern icht mit recht
ein andern vorlegen werd vñnd verhandt festet / vñnd er
griff es an mit baw / vñd arbeitet da sechs wochen / vñd
het den in den sechs wochen nicht angesprochē / er mag jr
ymb ein har noch nicht angewinnen.

Von den Lehern.

Auch ist das recht das niemant soll noch mag leher
sein / wenn ein geschworner man in des künigs stadt / zñ
nechst bey den Bergtwerckē gessen / das kompt dauon /
das ein Erbarer oder anders jmant / seiner teyl möge
aberzeugen mit jm selber / sunder alleyn / das der leher /
mit seinem eyde begreiffet.

Das Añder recht.

Auch ist das Recht / wañ der Erbar mit rath der ge
schwornen auß der stadt zñ nechst dem Bergtwerck ist
verlegē / es sey an bergen / an stolln / an lehen / oder lehens
schafft / vñ das vñder jrem eygen / vñ vñder dem eigens
der burger von der stadt / zñ rechtem Erbe / dz soll krafft
haben / das kumpt dauon / das man ezliche berge / vñnd
stolle / in manchem jar zñ nutz nit erbauen mag vñd das
were wider gott / sindt sich die erbarē oft verkeren / ob ein
man sein erbet vñd sein güt legere auff ein gebirg / es sei
berg / stolln / oder lehen / oder lehenschafft vier jar / sechs
oder mehr das ein ander erbarer jm das nicht mit gewalt
empfrembden solte.

Ein

Ein ander recht.

Ist das bergkleut neben einander erbetē / es sei an bergen / an stolln / an lehē / oder lehenschafftē einer nach dem andern / enthauen vnd angenumen seines berges vnd seines ertzes so meiste er mag / bis daß sie gegen einander durch schlagen / so das geschiet / so sollē sie denn / den durch schlagē reumē / bis das die geschwornen dartzu kumen / vnd einen izlichē bescheidē / wo er in dem seinen mit recht erbeten mag one hindernus.

Item

Auch ist das recht das kein besteller von sein selbs versumnus / es sei an kost oder an andern dingen niemandt seiner teil nicht verwircken oder verliesen mag.

Von ertz vordieten.

Es entmag auch kein man des andern orts auff dem berg verbieten oder vordprechen / vmb keine schuld wann allein vmb die samptkost der gewercken.

Von teil zuuerlisen

Wer teyl hat an bergen / stolln / lehen / oder lehenschafften / die mage jm niemandt verseumnusse der kost angewinnen / er entscheid dan die kost mit dem bergkmeister / oder mit seinem herzn / vnd mit zweien gewercken.

Von teyl zuuerliesn.

Der teyl hat an bergen / stolln / lehen / oder lehenschafften / ob der selb icht verleihen mag / die selben teyl mag keyn bergmeister eym andern verleihen / Er sitzet dar auff mit den gewercken / vnd mit den gewerckē / vnd mit den geschwornen / vnd sie jm mit recht an.

D iij Voff

Von teil züuerliesen.

Ist das ein man seiner teil icht verleihet ein andern man/ es sey an bergen/ stoltz/ lehen/ oder an lehenschafft/ vnd ist das jener/ der sie zü lehenschafft empfangen hat/ seiner eigenschafft nicht entgehet/ es sei vil oder wenig/ er verleset mit recht seine lehenschafft. Ist aber das er nicht gehalten mag/ dem die eygenschafft gebüret/ so soll er sie aufsteilen mit wissen eines gewercken/ vnd soll sie erwan befelen/ damit beheltdt er sein recht vnd sein lehenschafft.

Von Freiheit.

Ist das man hutten bauet auff eines herren eigen/ er sei geistlich oder weltlich/ dz ist bergkwercks freiheyt/ dz er keinen zins dauon geben soll.

Von Freiheit.

Vnd auff welches herren eigen bergkwerck fundē wirt vnd gemessen/ er nimpt dauon den dritten teyl der erbar/ was das selbe bergkwerck holzes bedarff in den grüben/ das soll in der herz nicht weren/ es sey geistlich oder weltlich/ &c.

¶ Wie endet sich das Erste buch.

Diß ist

Diz ist Bergkrecht in vnser herren der
 Margtgrauen zu Weissen landt / vnd
 was darzu gehörig ist.

Fst das einem mann geliehen
 wirt ein gang / recht vnd redlich / der behele
 sieben lehen / vnd vierthalb lachter in sein li
 gends / was da geng ein gehen / die seint sein / Ist das der
 leihher in dem selbigen ziele / ein lehen / oder zwey auff ei
 nen tagt / der fundt Erz / das maß werdt sey / So misset
 man zu recht / dem der gangt geliehen ist / oder seinen ge
 wercken / vnd ihener beheldet seinen tagt an dem Erz /
 also fern als im gelegen ist.

So einem man gelihen wirt / der da hat sieben lehen /
 Ist das einem mann / auch auff dem selbigen gang / dar
 nach / wie nahe es seine ziele ist / findet der ehz Erz / man
 sol im messen zu recht / von welchem schacht er das behal
 den / das seine fundtgrüb sei / von den selben massen.

Von der Burger recht.

Die burger von Freibergt / haben auch das recht / bei
 de arm vnd reich / auff allem gebirg in meines hern land /
 das sie da mag niemandt auffgehalten / noch jr gut ver
 sprechen.

Von des Brieffes.

Vnd so leuth kumen an den brieff / auff dem gebirg /
 vnd vnfüg / oder warumb das sey / die selbigen leuth mit
 der schrifft sol man her ynent werten disen burgern / das
 sie die an disen brieff setzen.

Von geschwornen leuth Recht.

Zu gebirg

Zu gebirg ist auch recht / dz die geschornē auff gebirg
keine leuth mügen außziehen / oder vnschuldig machen /
den man schuldt gibt / vmb wundē / also das die geschwor
nen zu Freiburg noch mögen thün mit recht.

Von des Richters recht.

Welcher man Richter ist zu Freiburgk / was vor dem
geteydingt wirt / das gestet er wol zu recht / auff allem ge
birg im land / wen es zu recht in meiner herzn münz ge
hört.

Von Bergkrichters recht.

Alle Bergkrichter / die der Bergkmeister setzet / vnd be
stetiget als weit als land ist / was vor dem geteydingt
wirt / die mögen nit hirinn gezeugen noch gestehn / von
der stadt gericht mit keym recht.

Es entmag auch keyn Bergkrichter auff einem an
dern berg gezeugen / da er nicht richter ist / was er in sei
nem gericht siehet / oder höret / des mag er wol gestehen /
vnd anderst nirgen dann in seinem gericht.

Von des Bergkmeisters recht.

Ist das auch vor dem Bergmeister icht geteydingt
wirt / oder was im wissentlich ist / das gestehet er wol vor
dem stadtgericht.

Was kauffmanschatz gezeugen sol.

Zu Bergen ist das auch recht / das man keynem kauff
schatz mer gezeugē mag / wan dreierley / das ist gewandt
vnd blei / vnd pferd vnd roßs.

Vom Acker teil.

Wñ ein man Erz suchen will / das mag er thün mit
recht /

recht / kompt jener des das erb ist / vnd fordert sein acker teyl /
das ist eyn . xxxij / 2c. vñ bedeut seine kost / wissentlich zweyer
ehrbastten manen / ebe man korb vnd seil ein würfft / der hat
es mit recht / Der dorff herz hat daran nichtē. Gehet das ertz
vor sich / was fleyschbenck / vnd badstuben werden / der zinß
ist des dorff hern zū recht / Das gericht vñ münztz lehe recht /
ist meines hern vnd gehört in die münztz Ehen Freibergk.

Vmb Zueihung der gericht.

So man sich irret vñ dz berg gericht / wie ferr es geht oder
wo es wendt / das ist also entscheyden / das man soll nemen
eyne kerbe / vnd soll darcin legen eyn keilhaw vnd eyne kratz /
vnd eynen schlegel / vnd zwölff eisen / vnd sol sie hengen an
eynen rombaum / vnd soll die lassen lauffen / von jr selber / al
so fern man das gehörē mag / also fern ist das gericht meins
herzen / daß gestell mag der Berckmeister setzen / auffwelch
grüber will auff dem bergk werck / vñnd welche man eynen
schürb ledig findt / der setzet woll das eyne mit recht / Bauet
er den schurb / so lang biß er eynen gang findet / den soll er em
pfahen / vonn seinem lebern / so ist eyn buder vorleget sich in
eyner tageschicht / dem leiber darff er nicht teyl geben / er wol
es dann gar gern thun.

Von dem Neüfenger.

Eyn itzlicher soll den mercken dem er leibet / das er in ge
wesen mag / cyne vernünfftigen leibers darff man woll /
wann er eynen gang leibet / der behelt auff dem gang für sich
vierdt halb leben / Vñnd hinder sich auch vierdt halb leben /
vnd auffhangends vierdt halb lachter / die erst leibung hatt
krafft vñnd beheltet / inn den selben leben solle er banwen
mit eyn schacht / oder zwen / oder mit dreien / aber wie es in
aller

aller

aller ebest kumet / kumet es also fern / dz der selbige bawherz
ertz findet / das mag er wol hauen / eynen korb one far / vnnnd
soll gehen zü dem zehener / vnnnd soll sprechen / Herz ich bin eyn
teyl Ertz gewar worden / das hab ich gehawen / da sendet zü
das meine herzn / vnnnd den gewercken gleich geschch vñ recht.
Da soll der zehender züfaren oder senden / das damit gehan
delt werd / das meinen herzen vnnnd den gewercken gleich ges
schehe vnnnd nutz sei.

Geht das Ertz für sich / so sol der zehender vñ die gewerck
en / gangk hewer setzen / die sich woll gehalden haben / die sol
der Bergkmeyster bestärigen.

Die gewergken mögen hut leuth setzen / vnnnd sollen für
itzlichen huttmā eyn xxxij. teyl / setzen / auff das sie geboren
wie recht ist / vnnnd die soll der bergkmeyster bestärigen / mit
dem eyde.

Hülff Gott dem finder / das sein Ertz für sich geht / so soll
der zehender meins herzn fronteyl auff heben / dz ist die dritt
schicht / so das geschiehet / so soll mein herz die kost darzü ge
ben / als eyn ander gewerck / Dürffen dan die gewergkē eyns
Richtschachts / oder eyner hutten / da sol mein herz seine kost
zügeben.

Woh es also ferr kumet / das man meines herzn fronteyl
auff hebet / da sol man dem finder den gang messen zü recht /
das soll der Bergkmeyster thun zü recht. Der finder solle im
geben seine meß pfennig / dz seind vier schillingē / Der bergkme
yster sol kumē auff den gang / vñ sol sprechē / her finder welchs
ist ewer fundtgrüb / welche grüb in dan der finder weiset / die
er mit seinē eyde behalden darff / das sie sein fundtgrüb sei da
soll man

soll man im vornn messen / so soll der finder / auff sein hencck /
banck tretten / vnnnd soll zween finger auff sein haubt legen /
vnd soll schweren / das diß seine rechte fundtgrüben sei / Also
gebrauch ich meines haubts vnnnd meiner forderen handt /
das mir Gott so helffe .

Von gemessem Berg.

Nun sol man messen / so sol der Bergkmeister die schnür /
nemen vñ sol sie legen mitten an die grüben / vnd sol messen /
eyn halb leben / vnnnd im dem eyn gangz die gehören zu der
fundgrüben / vñ sol dan messen eyn leben / vñ oder eyns / das
heysen endelste leben / die sol man bawē mit eynē schacht / die
sindt auch noch des finders / Bawet er sie nicht als recht ist /
den soll man messen vnserm herzn / dem Marckgraffen eyn
leben / darnach vnser frawen der Marckgräffin eyn leben /
darnach dem kamerer eyn leben / dan dem bergkmeyster eyn
leben. Nun sol man ander seit anheben / mittē an der fundt
grüben / vñ sol aber messen allen wie also vil leben auff dem
selbigen gang / als man zuuor gemessen / so im der gang also
gemessen würt / den sol man bawen als recht ist. Die fundt
grüb mit iren dreien leben / sol man bauē mit eynem schacht /
verlegen sich die leben / dreitag schicht / in dreien Erbeten
tagen nach eynander / am Sonnabet mag man nicht ver
leihen / darnach meins herzen leben / vnnnd meiner frawen
leben / die haben beßer recht / die mögen sich nicht verlegen /
sie thar auch niemant leihen / wann mein herz selber / Aber
weme er die gewalt giebet / sie haben auch das recht / das in
niemandt enthawen soll / sie sollen auch niemant enthauen
der der herzen leben sollen sie bauwen / Thün sie das nicht /
so solle sie der Bergkmeyster leihen / so er beste mag / Er zu
dem minsten vnnnd halb / das selbige recht haben beyde bur
ger / vnnnd Bergkmeyster leben / Vnnnd wille sie dann nie
ij mandt

mandt bawen/so sol der bergk meyster den bewern entbieten
das sie ire leben bestellen vnnnd bawen als recht ist/ Thün sie
es dan nicht/so soll er sie leihen/vmb meins herzn recht/ Der
Bergk meyster oder sein leiber keñet es dann also fern/ das
man Erz findet/auff dem selbigen gang / oder auff andern
gängen da bei auff dem feld / den soll man messen / gleicher o
weiß als man diesen vorgeanten berg/da muß der maß ge
brechen.

Von zween bergen die auff zweien gängen bei eynander gemessen werden.

Ist das zween berg auff zweyen gengen gemessen wer
den / bey eynander / der vonn erst gemessen ist / der verlegt
sich/der ander bleibt bawhafft/vnd es köme also fern/das er
wider verleget würd/ Es soll dem andern nicht schaden/an
seinem recht / hilfft jm gott das er Erz findet / man soll jm
vorgeben/das kumpt dauon/das sichs vorleget hat/ Weche
leben ire erste leihung behalden/auff dem selben gang/die be
halden jr recht.

Wie man über teyl clagt.

Ist das eyn man bawet der eynen bawer heyst / vñ giebt
teyl eynem andern man / das er sie mit jm bawe / die weil er
jm keyne kost giebt / so entdarffer nicht clagen über die teyl /
er giebet jmandt teyl ob er wil / oß lest es ob er wil mit recht.
So er jm aber etwas kost giebt / oß nicht / so mag er es jm zu
recht nicht gleuckenen / Er muß darüber clagen / vnd muß
sie jm abgewinnen / als recht ist . Woh aber der selbige seine
kost gebe wissentlich seinen gewercken / vnnnd wer bei den geo
dingen gewesen / vnd ihener wolt jm leucknen / Er het auch
ertz oder nicht / vñ ob jm seine gewerckē das gestündē / das er
recht vnd redlich gebawet het / möcht er es aber baß behalten
mit seio

mit seinen gewercken/wenn jm einer allein daruor geschwö-
ren/möcht. Ist dann das ein man über teyle clagē muß/
mager geclagen über teyle/da nicht öffentlich vordinget ist
vnd mit dem Richter wissentlich.

Von clagen über teyle auff ge- messen gengen.

Ist aber das ein man clagē muß über teyl/auff gemessen
gengen/der muß clagen die erbente tag nacheinander wie
derumb erclagen/des ersten tages in einem ding/vnd die
andern zween zu hauß vnd zu hoff. Oder mag er zu allen ge-
clagen dem Richter auff dem marcke/oder auff der zech ob
es krafft habe / oder ob er des richters gesindt clagt / ob der
richter dabey nicht wer / wenn ein man zwir geclagt über
teyl zu dem dritten mal/mus er seinen stussen cleger mit jm
brenge/hat in dan der richter bestettiget / so mag er in ma-
nen/also er jm beuolhen hat/ob die pfennig verdienet seint
oder nicht / gesehet dann der stussen schleger / so mag der
richter die teyl eigen ober die er geclagt hat/vn muß der ge-
dingen dem Richter schneide geben/wann es alles geeigent
würt/so sol jm der Richter einen gewercken geben zu botten
der mit jm gehe zu hauß vn zu hoff/vn es auffbiet a's recht
ist. Ist er dann da nicht besessen/auff dem gebirg oder berg/
oder in der stadt zu Freibergk / so mus man es auff dem
marck auffbieten.

Von clag über teyl/ auff freyen gengen

Ist das ein man über teyl claget / auff freyen gengen die
vngemessen sein/der soll auch dreyer tag schicht darüber cla-
gen. Ist das einem mann also teyl geeigent werdē/als recht
ist/es sei in einem erb/oder auff gemessen bergē/oder an le-
henen/

℥ iij

henen/

benen/oder woh es sei/den trete einen not an/oder teidingt/
darumb mag er es behalten / ob es in einem erb ist / mit sei-
nem bergkmeister oder richter/ob es in lehenen ist/das man
die mane wie recht ist oder er mus es mit gezeug behaldenn
selb dritte / wann er es mit clag gewinnen hat.

Von clag oder erbhaffte teil.

Ist auch das ein man clagē muß über erbhaffte teil / die
nicht ire kost geben / da muß er clagen drey viertzehen tag/
aber mag er mit der ersten clag die viertzehen tag behalden
oder nicht. Ist das er clagt als recht ist / in der dritten clage
muß er seinen stufen schleger bringenn / den soll der bergk-
meister haben bestetiget / als recht ist / vnd soll den manen/
vnd soll die eigenen als vor geschrieben ist. Wer es aber
das die gewerckē willkorte vor dem bergkmeister / das man
clage dreyer tag schichte / daß hat also grosse krafft / als ob
man die drey viertzehen tag daruber geclagt. Ist aber dz die
gewercken willkore vor dem bergkmeister / ire kost zugeben
oder auff tag wann die ersten weisse der ihenigen verdienet
werden / so mag man klagen / es seidenn daß die gewercken
eine andere willkore machenn / vor dem bergkmeister.

Von verdingnus recht.

Wo man verdinget auff gebiergē da sollē die gewercken
billich alle dabey sein / oder soll jr wort sein / dan man mag
zū recht / keines mannes teil geeigenē / der wort jr nicht wer/
wer es aber das ein man nicht wolde zūm geding kumē / die
soll der richter besenden / auff eine zeit / vnd jm sagen das die
gewercken wollen verdingē / kumet er dan nicht / so mus es
sein wort sein / zū recht / oder man gewinet jm seine teil an
als ein andern man.

Diß ist von den erben.

Ist das sich eine zech vorleit das gemessene geng sein/
waperhalben/das man in vor wasser nicht gebaue n mag/
ane stolln/kumē leut vñ mütē deß züm bergkmeister / ob er
in wolt behaltē die zech/ od dē bruch/od wolt in feldē/dar zū
vererbē / zū einem stolln/vñ meines herze zehendē sie wellen
jr alder vnd jr arbeit/ dar legen / der bergkmeister hat keine
gewalt dz nicht zūleihen/ane meins hern wort/ist aber das
mein herz seine gnad dar zū thüt / vnd heists aufgeben zū
einem erbe/so leith es dan an dē burgern zū Freyburgk wo
dz leit im lant/bey Kemnitz/bey Meyssen/oder wo es leith/
die sollē von Freyburgk dar zū reitē mit dem bergkmeister/
den soll man geben ein eimer weins/vñ jre arbeit/die sollen
das bergkwerck besehē/als lieb in jr ehz ist/zū dē stolln vñ zū
der zech / sollē sie gehn/vñ bereitē/als viel feldes/als es dem
stolln eben ist/ vnd meinen herzn vnd dem lande / da nutze
sei / weñ das geschiet/so hat mein herz sein fronteil gelaßen
vnd so müssen die herzn/jre gemessene lehen alle lassen/das
sie daran nicht mer haben.

Wodie gewerckē ansitzen vñ furē iren stolln/vnd sincken
recht ein lachter darauff / da mögenn sie auff bauen vñ
vorleihen/wie sie wollen / das in aller nutzlichst ist.

Der bergkmeister hat keinen gwalt zūleihen/an ichte/es
sei dann also viel als leuth kumen vnd mütē lehē kegē den
gewerckē/hinder jrem fordristē lichtloch / die mögē sie leihen
oder mögen sie selber bauen / woldē den sie weder leihē noch
selber bauen/so soll in d̄ bergkmeister gepietē/auff eine zeit/
das sie selber bauetē/oder verlegen/wenn man jr gemutter
het / Liten sie es dann nicht / so hat der bergkmeister die ges
walt das er sie mag zūrecht / vmb eine eigenschafft leihen
ob er mag/will man jr darumb nicht / so mag er sie leihen/
vmb meins herzn zehenden.

Donn

Von stolln recht.

Nun die gewercken füren jren stolln vor sich / wie ferr sie können mit jrem furdristē lichtloch / vor dem vnd vor jrem stollnhaupt mag sie niemant gedringen / weder zū bauen noch zū leihen / wider jren wiellē / koweme es oder also fern / das die gewercken selber bauetē / an dem fordristen zeile / vñ lisen es dan̄ aber liegen / also das sie es weder baueten noch verlegē / so hettē sie jr recht verlozen / also daß der bergkmeister die gewalt gewonne / in dem fordristen zeile / als in dem hindrusten mit recht.

Wie man wüste erbe empfabin soll zc.

So sich ein erb verbauet vñ wüst leit / aller ding / kumen leut vnd wollen die bauen / die sollen kumen zū dem bergkmeister / der hat allein die gewalt zū leihē / vñ sollen sprechen / herz bergkmeister wir clagen euch über das erbe / daß leit wüst / das muten wir kegen euch / was jr vns darumb bescheidet / deß wollen wir gerne warten / müssen nun zū recht viij. tag behalten / beide bergkmeister vnd kleger / weñ man spricht / das sich ein erbe / in sechs wochen vorlegen soll / oder sollen sie von dem tag über sechs wochen / mit vmb gehn / er fraget nach / wenn also leuth kumen / vñ muten ein zū dem bergkmeister / der Bergkmeister soll in bescheiden über vorsehen tag / vnd sollen das heimlichen handlen / vñ soll bynnen des selben rieten / ob er mit ichte mag hinderten oder adēnge. Aber ob es jm zū ferr ist / so soll er darzū kießen einen getreuen man / auff den er bauen darff / oder schweren / ob es nach geschiet / vnd soll dem befehlen / das er sehe die zeit / ob man daraufficht erbete / das soll er thūn als lang als recht ist / vñ soll auch den leuthē die es muten als lang bescheiden
als

als es recht ist/ Ist es dan / das es sich also ferr vorleith / drei
viertzehe tag / so sol der bergkmeyster darauffreitē one wider
red / vnd soll jm keine not benemen / vnd soll anheben an der
wasserseich / vnnnd soll reitten bieß oben auß / vnnnd soll beser
hen / alda die bruch vnnnd alle die löcher / die darzü gehören /
findet er es dann wüst / so soll er das selbe erb / zū handt alda
teidingen in meins herzn gewalt / vñ sol es leihen dem man
der es gemüttet hat / recht vñ redlich / lege er es jm an keyner
andern stadt / dz entbete keyne krafft. Es mag auch niemāt
anderst thün / denne er zū recht / Ist es dann / das es so ferrn
kompt / dz der Bergkmeyster eyn erb verleihet / eynem man
der sol auch allen seinen fleiß darzü legen / dz er in es gewere /
vnd in dabei behalde / mit recht. Owem es dan also fern / das
der selbe bawer / od̄ eyn ander des bergkmeisters bedorfft / das
er gestehen müste / vmb das selb erb / so müsteman in manen
mit meins herzn hulde / das sich dz selbig erbe / also lang ver
lag abebro / das ich selber darauffriet̄ vnd teidingete / es in
meins herzn gewalt / vnd leige es dem mann / recht vnd red
lich / das es sein ist / mit mehrem recht / wañ eyns anderst je
mandt wider duncket euch / das er gestandē sei mit der rede /
od̄ wolt jr das jr mehr werde. Nun last sein das jr mehr sein
hien od̄ her wañ er auch die wort erfüellet die hievor sein vñ
stehn geschrieben / so solde er jm gestanden sein / ob es euch
recht duncket / kum̄et es dan also fern / dz er selber beuelh oder
eyn ander mit solcher arbeyt Ertz erfolget / in eyn erbe oder
lehnen / vnd mit recht dartzū kumen ist / vnnnd bringet daß
zū liecht vnd hebet das auff drei teylunge one anspruch wis
sentlich / der beheldet es biellicher / vñ bas dan es jm jemāts
abe gewinnen mag / mit keinem recht / vnnnd wie sol er es bes
halden mit seins eyner handt / oder wie duncket es euch dar
umb berecht sein / kumpt auch also ferr / das gewercken faren
f einen

eynen stolon in eyn Erb/ vnd leihen leben hinder oder neben
in/ so nemen sie das auß billichen mit eyn libere / das man
die gewercken nicht hindere / vnd ob die gewercken furen je
stolon haubt vorsich / vnd sie qwemen an eyn herte / das sie
brend müsten setzen / vnd die hewer wolden sie des hindern /
das mag nicht gesein / mit recht / es were dan also vil / das sie
es zuuor auch hetten gewonnen mit nammen / das halde
man in billich / qweme es auch also ferre das der gewercken
wasser hinderte / die hawer in dem erbe / oder ioch / es were da
wasser noth ist / Da soll man botten zu geben / die darzu fas
ren vñ entscheyden zu recht / das eyn ytzlicher man sein was
ser fertige / von dem seinen / wo sie es besehen als recht ist.

Wo gewercken mit eynander hawen eynenbruch oder les
hen in eynem erbe / vnd finden Ertz / vnd verkauffen zehen o
den also lang / biß es schwach oder abgehert / vnd eyn teyl ge
wercken wellen auff lossen / Die andern wollen da bauwen /
meinem Herzn zu nutz vnd auch inen selber vnd ihene wöl
len es also auflossen / das sie bei irem erb bleiben / vnd ihene
sprechen / sollen sie jr güth darlegen / sie wöllen auch warten
des erbes / das zu den teylen gehört / vñ die eynen wöllen des
Erbs nicht auflassen / vnd wöllen es auch nicht hawen / da
fraget nach.

Von teylen die eyn man mittet.

Mittet eyn mann teyl / da man Ertz hawet eyn xxxij.
teyl oder mehr / der mag hewer senden / oder legen wie vil er
will / tag vnd nacht / biß zu seim tage / das mag im ihener
nicht geweren / des die teyl sein / er hawet auffß nutzlichst er
mag / Aber zu heiligen getzeiten / wene ich nicht / das er icht
gehawen müge / mit keinem Rechte / mögen im aber die ges
wercken weren / den hewer nach seiner lust oder nicht / da fra
get nach.

Von teylen

Von teylen die eyn man müthet.

Welch man walt werck hatt zü eyner grüben/da Ertz ist/
der soll in die grüben nicht faren/vnd allen rechten/sollen in
keyne grüben faren/da Ertz ist/die weil sie walt wercks pfles
gen/vnnd keyn hawer soll auch nicht walt berck haben.

Wir an argk/vnnd Heynrich
von Waldenbergk herzn zü Wockensteyn/
Bekhenen vor vns/vnd vnser Erben/das
wir vns mit dem Hochgebornē Fürsten vñ
herzn herzn Friderich vnd hern Wilhelm vñ herzn Friderich
Landt grauen in Dhoringen/vñ Marck grauen zü Weis
sen vnsern gnedigen lieben herzn vnd all iren Erben/vmb
das Bergk werck zü Ernfriderßdorff/vnd auff allen vnsern
gütern/bereidingt/vereynt habē vñ übereyn kumen seind/
in aller maß als hernach geschriben steht.

Zü dem Ersten sollen sie alle gericht/vnnd recht haben
auff allen gold vnnd silber gängen/auff allen vnseren gü
tern/vier lehen auff dz hangengt/vnd viert halblehen auff
das ligendt/vñ sollen ire Bergkmeister vnd Amptleut das
hien setzen also auff andern von Bergk wercken/die auff den
bergen vnd in den hutten/vnd auff den hossen/die dar zü ges
bawet werden/richten sollen/wann das not geschiet/Auch
haben die obgenanten vnser gnedige herzn/vns vñ vnsern
erben/durch des schadens wiellē/den wir an vnseren Bergk
wercken nemen/vnd auff das golt werck vnnd sylber werck/
deste fürderlicher gefertigert werde/die gnade gethan/das
vns vñ vnsern Erben auff den gütern die wir haben zwey
f ij teyl von

teyl von dem zehenden vñ an den dritten teyl folgen sollen /
An den golt vnd sylber gängen auff allen vnsern gütern in
solcher weiß neme sie nicht meer eynen hauffen zü zehenden /
das soll vns auch zwey teyl / vñ eyn dritteyl eingefallē / vnd
folgend hilfft euch Gott / das gold werck auffstünden in vns
fernlandē / das also gütt würde / das der zehende daran gül
de drei pfundt / oder mehr / darzū sollen sie vnß zü steuer ge
ben. v̄c. guldin Vngerisch / woh auch das selber werck auff
stünde / in vnserm lande / so dz der zehende / daran auch drei
pfund gulde oder meer / so sollen vns darzū stewart geben. ij̄c.
neue schock groschen / Was auch büßen auff dem berg ge
fallen die büßen sollen vns halb gefallē / Auch soll man ob
das gold vnd silber / das auff dem Bergk werck / auff vnsern
gütern gefellet / iren amptleuten daselbst geben / vnd ent
werden / die das fürder in ire müntz gehn Freiburgk brengē
sollen da man vor yede margk goldes Bergisch gewicht ge
ben soll / lxxij. guldin vnd vor yede margk selbers deß sel
ben gewichts . xxxij. guldin / die guldin vñ die groschē / was
der wirt / die vns gebüren / die sollē ire amptleut / wider auff
das Bergk werck bringen vnd das forder den vns antwor
ten vnd bezalen sollen / vñnd wañ man das überqwen mit
iren amptleuten / die darzū gesetzt werdē / das gold oder sil
ber mit in ire müntz antworten / als oben geschribē stet / den
sol man büßen als müntz recht ist / Auch sol vnser gnediger
herz keinē freiē margk lassen berüßen / bei eyner halbē meilen
wegen von Ernsfriderstorff oder von dem thüme / oder von
dem Geyer / oder bei eyner halben meil wegen wolckensteyn /
oder der schopa / Es wäre dan das ire Amptleut erkentē das
es not wet / vñnd das man das nicht entperē kundt / so müs
gen vnser gnedige herzn den lassen berüßen / vñnd den ha
ben / das sie doch mit vnserm willen vnd wissen thün sollen /
doch

doch

doch so mag jederman der da bauet sein brodt/fleisch vnnd
gedrenck wol da haben auff dem bergk wergk / mit/dieweil
der freymargk nicht beruffen ist / daß wir nicht weren noch
hindern sollen/sunder hier ob das jemandt schenckē woldte/
der soll sich des in vnser hern steten erholen/ vnd wir sollen
bestellē das man in das inn gewonlichem kauff geben soll/
als man das thut in andern stedtē/die darumb gelegē sein/
es wer dann daß sein darinne gebrechen/so sollen sie sich des
anderst wo erholen/in welchen steten sie wollen/Auch sollen
wir vnd vnser erben/auff den selben bergk wergken fleisch
benck/vnd brotbenck zol/buttenzinß vn̄ des schrot ein acht
haben nach gewonheit vnnd recht/als das auff iren andern
bergk wergken gewonheit vnd recht ist. Auch sollen vnser
leuth die itz gereid bauen/auff dem goldt oder silber gen
gen auff vnsern gütern dabey bleiben. Vnd jr bergk mei
ster auff den bergk kimmēt/so sollen sie die lehē von jm ent
pfaben. Was aber ledigk wer vnd lege/das soll jr bergk mei
sten leihen / als das gewonlich ist / es ist auch geteidinget/
wer das zingeng gingen an die goldt oder silber geng/also
das man die zingeng one der goldt od̄ silber geng schaden
nicht geerbeten kündte / so sollen die zingeng stiller ligen/
vn̄ das goldt od̄ silber wergk soll vor sich so lang / biß man
die zingeng /one schadē der goldt od̄ silber geng/geerbeten
mag. Were es auch dz ehegenante bergk wergk wüste wurd
oder ledigk leg/Also das man dz nicht me bauet / so soll das
gericht wider vnser sein/biß so lang/das daß goldt od̄
das silber wergk widerbaufftig würde / onge
ferdt / hiebei sein gewest vnnd getzeugt zc.

Anno domini. M. cccc. vn̄ vij. Domi
nica Galli inn Grim

f. iij.

[Zugführer...]

Von erkantnis der

Berckwerck.

Wie man berckwerck vnd ertz aller metallen erkennen/
 süchen vnnnd erstlich finden sol/nach gelegenheit eines
 jetzlichen gebürges od̄ ertrichs/auch der selbigē geng/clüfft/
 fletze vñ ander berck geschick künstlich mit artlichen figuren
 angezeigt/sampt der abteilung der welt vnd der werck der
 natur vnder d̄ erdē/welcher geng/clüfft/oder andere berck
 geschick / an gebürgen oder in freyem feld / metallisch ertz
 fruchtbarlichē mügent gebären/höflich daselbst zū bawen/
 auffd̄z der vnkost nit vnütz auffgewant/Wie wol nit not
 ist zū wissen die wunderbärliche wercke d̄ natur so vnder der
 erdē gebrauchtwelche vermittelt minerischer crafft hie nach
 angezeigt wurt/Auch wie die geschick der clüfft vnnnd geng
 nach gelegenheit vnnnd anzeigung der sintfluß streichent
 vallent oder jeren außgang habent/von jetlichem metal in
 sunderheyt/es seye golt/silber/kupber/wißmat/zin/pley od̄
 eysen/auß anzeigung nachfolgender figuren/mügent alle
 berckuerstendige oder newe vngeübte berckleut/erkantnis
 vñ anweisung haben/wie die metallischen geng in berg vñ
 thal jr natürliche wachsung art̄ vnd würckung habent zc.

Metallische ertz zubereiten/auch von des selbigen ertzes
 ankunfft vnd vrsprung ist diser begriff auß der
 alten weisen büchern vñ geübter berck-
 leuth erfahrung gezogen/vnd würth
 hie nach mit figurē außge-
 teilt in zehen ca-
 pitel

- 47 -

Das erst Capitel von ge- meinem vrsprung der Ertz.



Der gemein vrsprung der ertz / Es sey silber /
gold / zinn / Kupfer / eysen / oder pleyartz / in
welchem sie all über ein trettent / vnd mit eis-
nem namen genent werden / metallisch ertz.
Ist zu mercken / das zu der wachsung / oder
geburt metallisch ertz / gehöret ein wyrtzer vnd ein vns-
derworffen ding / oder materien die da geschickt ist zu em-
pfahen

pfahen die wyrckung. Der gemayn wyrcker des ärtz vnnd
aller ding die da gebozen werden / ist der hymel mit seinem
lauff / schein vn̄ einfluß / als die natürliche mayster sprech-
en. Der einfluß des hymmels wirt gemanchfeltiget durch
den lauff des firmaments / vn̄ widerlauff der sibē planetē.
Darumb eyn yegklichs metallisch ärtz / einen sonderlichen
zügeaynetenn einfluß entpfacht / von seinem aygnen pla-
neten / vmb aygenschafft willen desselbigen vn̄ des ärtzes /
auch v̄m aynigkeit / inn wärme / kelte / feuchte vn̄ truckne.
Als das Holt von der Sonnen oder irem einfluß / dz silber
vondem Mon / das Zin vom Jupiter / das Kupffer von
Venus / das eysen von Mars / dz Pley v̄ Saturno / das
Quecksilber vom Mercurio gemacht wirt. Darumb die
Metall gar oft von Hermete vn̄ von andern weysen mit
disen namē genenet werdē / als das Gold Son / lateinisch
Sol / das Silber / Mon / lateinisch Luna / genennt wirt /
als klärlich inn den gesünderten Capiteln eines yegklichen
Metalls gesagt wirt. Also vil sey kurtzlich gesagt v̄ dem
gemeynen wyrcker der Metall vnnd ärtz. Aber dz vnder-
worffen ding / oder dye gemeyne materi aller metall / ist
nach der maynung der weysen / Schwefel vn̄ Quecksilber
die durch dē lauff vn̄ einfluß des himels müssen veraynigt
vnd verherttet werdē / zu einem metallischen cörper / oder
zu einem ärtz. Nun halten etlich das durch den lauff vnnd
einfluß des himels / werden auß der tieffe der erden von
Schwefel vnd Quecksilber auffgezogē dünst oder bradem
(exhalationes minerales genant) vn̄ im auffrauchē in gen-
gē vn̄ klüftē / durch wyrckung 3 Planetē verayniget hat /
vn̄ zu einē ärtz gemacht. Noch sind etlich die haltē nit dz die
metall von dem quecksilber gewyrcket werdē / dieweyl man
an vil örteren metallisch ärtz hat vnnd doch kein queck-
silber da selbs findt / sonder für das quecksilber setzen sie inn
materi

materi feucht vnd kalt schlemig on allen schwefel/ die gezogen ist auß der erden/ als ire schweiß/ darauff mit vermischung des schwefels/ alle metall gewircket werden.

Nun wie dem allen/ nach guter verstantnuß vnd rechter außlegung/ ist eins jetlichen mainung recht/ vnd das erz oder metall wirt gewircket auß der feuchtigkeyt der erden/ als auß einer materi des ersten grades / auß dem donste oder bradem von eynem teyl/ als auß seiner materi des andern Grads / wölche beyde / alhie quecksilber genant werden. Item/ in der vermischung oder vereynigung/ des quecksilbers/ vn̄ schwefels im ärtz/ helt sich der Schwefel/ als der männlich same/ vnn̄ das Quecksilber / als der weiblich sam / in der geberung/ oder empfahung eins kinds . Also ist der schwefel / als ein sonderlicher geeygneter wircker der erz oder Metallen.

Das II. Capitel.

Von gemainer geschickligkeyt der Gepürg.

Wiewol die einflüß des himels / vnn̄ die geschickligkeyt der materie/ gehören zu d̄ wirckung eins jeden erz oder metall/ dannoht sind dise nit gnüg darzu/ das dise geperung der erz bequemlich beschehe/ sonder darzu gehört ein ärtig geschickligkeyt der natürlichen gefäß/ darin das ärtz gewircket wirt/ als da sind die geng / nämlich staynende gäng / flachgeng / schwargeng / Creuzgenge / oder wie die nach mancherlay land art geneent werden. Auch hören darzu bequemme weg oder zügend/ darin die minerische/ oder ärtzliche krafft zügang haben möcht ins natürliche fassz/ als do sind die klüfft/ nämlich
G hengklüfft/

hengklüffe/ querckklüffe/ flachklüffe/ creuzklüffe/ od an
 der zufällig flözwerck/ wie dz nach mächer lād art geneñt
 mag werde. Auch gehört darzu ein geschicklich läger des
 gebürgs/ darin die geng vn klüffe streichē. Die gemeyne
 geschickligkeyt des gepürgs/ od des lägers/ ist an etlichē
 ortē gegē dē morgē/ an etlichē orterē gegē dē mittag / an et
 lichē gegē dē abent/ an etlichē ortē gegē d mitternacht/ an
 dē geheng des bergs. Aber dz geheng/ od läger des gebür
 ges/ gegē dē mittag/ ist mer geschickt dan d andn eins/ zu
 fürē guldig artz/ so es vō dē mittag vor sich hat ein flachs
 abgesengts teyl. Vñ dz ist die best geschickligkeyt aller ge
 pürge die zu bawē sind. Des zu einer anweisung / volget
 dise figur. Der auffgang/ oder Morgen.

Die Mitternacht.



Der Mittag!

Der Nidergang/ oder Abent.

Veiner erkantnus diser yezgesagten stuck / von den
Sörtern der welt / auch der nachuolgenden stuck / ist zu
Qmercken / das das ganz erdrich geteylt wirt in vier
 vnd zweynzig teyl / nach dem circel Drizon genant / der
 da den himmel inn das ober vnd vndertheyl chaylet / all-
 da / da der himmel nach dem gesicht die erd begreiffet.
 Am ersten wirt er getheylt inn vier theyl / mit zweyen li-
 nien / die creutzweiß über einander streichen / nach gleich-
 em angel / oder ecken / auffgang oder morgen / mittag /
 nidergang oder abent / vnd mitnacht genant. Darnach
 eyn yeglicher theyl wirdt getheylt inn 6 . teyl / auff den
 anfang sechs züsetzen / darnach 7 . 8 . 9 . 10 . 11 . auff die
 andern theyl vor mittag. Vnd darnach auff den mittag
 12 . vnd 1 . 2 . 3 . 4 . 5 . auff die andern theyl nach mittag.
 Darnach auff den abent / 6 . 7 . 8 . 9 . 10 . 11 . auff die an-
 dern teil nach dem abent. Darnach vff mitternachte
 12 . 1 . 2 . 3 . 4 . 5 . auff die andern theyl nach
 mitternacht. Als die zeit ist abgetey-
 let nach dem halben zeyger.

Zü merer erkantnus
 volgt dise Fi-
 gur.

G ij

Der Mittag.

Der Morgen/oder auffgang.



Der Abent/oder nidergang.

Die Mitternacht.

Das III. Capitel.

Von dem streichen vnd außgehend
der gâng vnd klüfft.

STreichen der gâng / ist ire sterckung / nach wölllicher
die gâng sich ferner hinweg ziehen / nach der lãng
zwischen dem gesteyn des bürgs. Disz streichen ist etlichz
von dem morgen in den abent / etlichz von abent in den
morgen.

morgen. Diser gang hat sein streycken auß dem morgen
in den abent / welchs gestain in hangends (mit seinen
schmerklüfflin) sein fallend hat gegen dem abent / vnd

Der Morgen.



Die Mitternacht.

Der Mittag.

Der Morgen.

herwiderumb der gang streicht auß dem abent inn den
Morgen / wölchs gesteyn fallent ist gegen dem morgen /
als hie bezeychnet ist in der figur. Dis wirt geteylt nach
dem geheng des bergs. Der erste figur geheng ist gegen
dem mittag. Der andn figur gehenge ist gegē mitnacht.

G ij Der

Der Abent.

Der Mittag.



Die Mitternacht.

Der Abent.

Auch ist etlich streichen der gāng / von Mittag in die
Mitternacht / vnd etliches widerumb von der Mitter-
nacht inn den Mittag / das vernim nach dem fallen des
gesteyns / zūgleich wie yetzund oben gesagt ist / das wirt
aber geteylt nach dem geheng des berges / als hie bezeych-
net ist.

Der Morgen.




Die Mitternacht.

Der Abend.

Der Mittag.

Der Mittag.

Der Morgen.



Der Abent.

Die Mitternacht.

Auch ist etlichs streichen der Geng / von dem mittel /
zwischen dem Morgen vnd mittag / in das mittel zwisch
en dem Abent vnd Mitternacht / Vnd etlich herwidere
umb auß dem mittel des Abents / vnd der Mitternacht /
inn das mittel zwischen Morgen vnd dem Mittag.

Der Mittag.

Der Morgen.



Der Abent.

Die Mitternacht.

Auch ist etlich streichen der Geng / von dem mittel
 zwischen dem mittag vnd dem abent / in das mittel / zwi
 schen dem morgen vnd der mitternacht / vnd etlich her
 widerumb von dem mittel zwischen morgen vnd mitter
 nacht / ins mittel zwischen Mittag vnd abent. Das wirt
 aber geteylt nach dem geheng des bergs / als hernach
 volgt in diser Figur.

h

Der Mittag.

Der Morgen.



Der Abend.

Die Mitternacht.

Auch ist etlich streichē der Geng zwischen den vier orten der welt/ vnd ire mittel zwischen eynem jetlichen ort zweyerley streichen. Also sind aller geng/ die ir gericht vnd schlechtes streichen haben / vier vnd zweinzigerley streichē/ als leichtlich züuernemen ist in der vorgesetzten Figur/ von der teylung der welt. Auch sind etliche geng/ die ir streichē nit gericht oder schlecht habē/ sonder rund nach ein halben circel/ oder gestürzt von zufelligem geschick. Die selbigen streichen/ yetzund von dem Morgen gegen

gegen.

gegen mittag / vnd herwider vom mittag in den abent /
oder von andern ortern der welt. Dife geng / als sie vn-
gleich an iren streichen / also sind sie auch vngleich an iren
geschicken / als in andern capiteln volgt.

Auch sind etlich geng / die ire streichē haben in flachem
feld / daruon genent wirt das feld gebew. Auch etlich die
ir streichen haben in dem gesenck oder inn dem thal / vom
Morgen inn Abent / oder herwider vnnnd vom Mittag
in mitternachte oder herwider / vnd als vor von andern or-
ten der welt / so vil sey gesagt von den streichen dergang /
volgt nun zu reden von hangends vnd ligends.

Der Mittag.

Der Abent.

Der Morgen.



Die Mitternachte.

B 9

1

Der Morgen.



Der Mittag.

Die Mitternacht.

Der Abent.

Item ein jetlicher gang / hat sein hangends vnnnd ligends. Hangeds des gangs ist sein dach über dem gang daran sich der gang mit dē rucken stoßt. Sein ligends ist sein gesteyne / daraußer ligt / doch sind etlich geng / die also gerichtts jr fallen haben / das man nit wol hangends / oder ligends daran erkennē kan / dan alleyn von zufelligenghengklüfften / die eyn anweisung darzū geben mögen / auch zū allen ortern der welt / als sie vorbenant sein.
Zū dessen

Zu dessen erkantnis besihe vorgende Figur. Das sey ges-
sagt von hangends vnd ligends der Gång / Nun volgt
von außgehen der Gång.

Item/ Ein jetlicher Gång hat zweierley außgehend/
Das ein ist dz außgehend gegē dem tage/ nach der gang-
en leng des Gangs/ Das heyst des ganzen Gangs auß-
gehend. Das ander außgehend ist wider das streichen/
oder entgegen dem streichen des Gangs/ nach seinem ge-
steyn/ das heyst des gesteyns außgehend/ Als ein jetlich
er Gång/ der sein streichen hat auß dem Morgen in den
Abent/ der hat seines gesteyns außgang gegen dem Mor-
gen/ vnd widerumb von dem Abent in den Morgen/ der
hat sein außgehend in den Abent. Also vernim auch von
den andern örtern der welt/ vnd nach dem der Gång ge-
schickt ist an seinem streichen/ so mag diß außgehend der
gesteyn auch sein/ nach allen örtern der welt/ als inn den
vorgeschribnen figuren leichtlich zu vernemen ist. Souil
sey gesagt von außgehend der Gång.

Zu mehrer erkantnis diser jertzgesagten stuck von den
örtern der welt/ vnd von streichen der Gång/ Ist zu mer-
cken/ das ein Compass in einem sonderlichē circel/ sol ge-
teyle werden in vier vnd zweinzig teyl.

Am ersten mit zweyen linien/ die creutzweiß mit vers-
gleichten angeln oder egken übereinander streichen/ inn
vier theyl. Die eine linien/ sol streichen von zwölffen des
Compass/ über den Wagneten/ oder über das mittel
des eisenen gabelins (das sein krafft von dem Wagnetē
empfangen hat) in das mittel/ zwischen fünff oder vier
vor Mittag/ nach dem das Compass gemacht ist/ schmir-
schlecht. Die ander linien sol gehen creutzweiß/ als vor ge-
melt ist. Vber dise jertzgesagte linien/ nach gleichē ecken/
vnd also nach gelegenheyt der land gegen Mittag vnd
h ij der Wits

Der Mitternacht / nach dem sich der polus höher vnd hö-
 her über der erden circel (Drizon genant) ist aufferhe-
 ben. Also auch / ist die jertzgesagte quer / oder creuzlinien /
 von manchen örtern des Compasss streichen / vnd auch

Der Mittag.

Der Morgen / oder Ausgang.



Der Abent / oder Niedergang.

Die Mitternacht.

nach dem die circumferenz inwendig od̄ außwendig der
 stunden circel gezogen ist / darnach wirt sie mer vñ mer
 verwandelt / jezund streicht sie vor achte des Morgens /
 biß vor viere des Abents / jezud̄ gleich vō achte zu viere /
 vernim / nach dē liniend̄ des cōpasss / die die stund̄ des tags
 bedeuten /

bedeutē / das dich die vngleichheit der Linien des creutzs
 vnd der Linien der stund ein wenig abgelenget / nit irrig
 mach / doch wie dem allem / nach disen wolbegnadeten
 Weisner landen zu rechnen / gehet die selbigen creutz li
 nien / auff dem Compass gemeynlich hart vor 8 . da ire
 linien den vndern ist berühren / bis vor 4 . vmb die selbig
 maß / als die Chronographi wol ein wissen haben / vnd al
 so auff die linien bey 4 . nach mittag zusetzen 6 . des mor
 gens oder des auffgang / dann die selb linien am compass
 bedeut allweg den Morgen / vñ vff die linien zwischē 4 .
 oder 5 . vor Mittag / vñ 7 . oder 8 . nach Mittag / zusetz
 en . 12 . des Mittags / dann die selbig linien deut alle zeit
 im compass auff den Mittag / vnd auff die linien bey 8 .
 vor Mittag / 6 . zusetzen des Abends / Dann die selbige
 linien weiset alle zeit auff den abend / Vñ auff die linien
 bey 12 . im compass zusetzē / 12 . der Witternacht / welche
 linien allwege die Witternacht bedeut / vnd darnach der
 teyl ein yeglichen in 6 . teyl / als vor geteylt ist / die ganz
 welt in 24 . teyl / wie in vorgeender figur verzeychnet ist .

Also magst du haben ein gewis erkantnus von den ör
 tern der welt / vnd von dem streichen / fallen vnd außge
 hend der geng / so das Compass also abgeteylt / auff den
 gang gehalten wirt .

Volgt von den clüfften.

Das streichen / fallen / vñ außgeend der clüffte / vernim
 zu gleicher weis als das streichen der gāng / dan der clüffte
 streichen oder fallen / ist eins theyls auß dem Morgen in
 den abent / Eins teyls von dem mittag in die Witter
 nacht / vnd herwiderumb / Auch eins teyls von andern ör
 tern der welt . Der klüffte eins teyls / seind hengklüffte /
 zwerch klüffte / creutzklüffte / oder wie die nach mancher
 bercklenffiger

berckleuffiger weiß genant werden/ Die selbigen bring-
en oder führen zum theyl dem gang yn ein veradelung/
vnd machen gut ärtz/ In theyl entföhren vnd benemen
dem gang die minerisch wirkung/ oder ärtzliche krafft/
derhalb gar oft weit vñ den gänge/ grosse witterung/ er-
fundē werde/ vñ gar manche Bergkleut jrz an iren bawē
machen. Aber wölche Klüffte die veradelung des gangs
bringen/ oder hinweg führen/ will ich in nachuolgendem
capitel anzeygen.

Das III. Capitel.

Von Silberärtz/ vnd seinen gängen.

WJewel nach wirkung vnd ordnung der natur/ das
vnuolkomlich Metall billich von ersten beschriben
solt werde/ Dieweil aber das gewinreichst serer geliebt/
vñ billich/ so will ich das höchst vnd theurest vorsezē/
vnd von ein zum andern/ durch bequemme ordnung ab-
steigen. So nun das Golde/ von Adelheyt wegen seiner
natur/ billich vorgienge/ hat mich doch für gut ange-
hen/ dieweil das land zu Weissen (in wölchem dis büch-
lin von den ärtzen kurzlich begriffen) mit allen metals-
lichen ärtzen begabt/ vnder denen fürtrefflich mit silber
ärtz/ Will ich deshalbe anfänglich/ von vrsprung der ge-
bärung des Silberärtz beschreiben.

Das Silberärtz/ nach meinüg der weisen/ ist gewyrckt
nach einfluß des Mons (als oben berürt ist) von klarem
quecksilber/ vnd außgeleutertem bestendigen schwefel/
als von krafft eines wirckers/ vñ geschicklichkeyt der ma-
terien. Das silber ärtz wirt durch mancherley weyß ge-
wircket. Etlich in schlam̄ des wassers/ als ein schwar-
er oder grauer raum/ zu gleicherweyß als hernach volgt/
im Capit. von dem Goldärtz. Auch etlich in gängen vñ
Klüfften/

Flüßten/ als in diesem gegenwertigen Capitel volget.

Zu einer bekantnus der guldigen vñ bestendigē gang/
 die zu bawen seind für andern/ ist zu mercken/ das das als
 ler bequemest läger des gangs / ist an dem gehäng des
 bergs gegen dem Mittag/ so sein streichen ist von sibnet
 oder sechsen/ des Morgē/ in sechße oder sibne des abēts
 nach der abteylung der welt/ als oben berürt ist / vnd so
 des ganzen gangs außgehend ist gegen Mitternacht /
 sonderlich auch so seins gesteyns außgang / gegen dem
 Morgē/ sein hangends gegen dem Mittag / sein ligends
 gegen Mitternacht sich strecken/ Dañ in solicher geschick
 licheyt des gepürgs vnd gangs / wirdt der einfluß des his
 mels seer bequemlich empfangen zu bereyten die mater
 ri/ darauß Silberartz gemacht oder gewirckt sol werdē/
 vnd vestigklich behalten/ als in eynem wolgeschickten ge
 fäß/ das die wirckung des Silberartzs deßer vollkomner
 kan verbracht werdē. Aber die andern streichē der gāng/
 zwischen dem abent vñnd mitternacht werden guldiger
 oder vnguldiger geacht / nach dem sie sich näher oder wei
 ter örtern/ gegen diesem jezgemelten streichen der gāng/
 doch mit solchem hangends / ligends vñnd außgehends.
 Auch die Gāng/ die jr streichen haben/ auß der Mitter
 nacht inn den Mittag / vñnd ihr hangends / gegen dem
 abent / ihre ligends vñnd außgehends gegen dem Mor
 gen / die selben sind höflicher zu bawen dan die Gāng die
 da streichen auß dē mittag in die mitnacht/ wölcher han
 gens gegen dem morgen ist / vñnd jr ligends vnd außge
 ends gegē dem abent / wiewol dise letzte Gāng / zu zeiten
 angeflogen vnd gedigen silber führen/ oder gut artz an et
 lichen orten/ yedoch ist an inen nichts bestendig vñ weric.
 Dann die ganze minerisch krafft/ wirt durch solche auß
 gehend der Gāng/ ganz außgebradempt vñ hinweg ge
 J weiterr

weiteret vnd gezogenē. Desgleichen vernim̄ auch von den
gengen die ire streichen haben auß dem Morgeninn den
abent/ als vorgesaget ist/ Vnd ir außgehend vnd ligends
gegen dem mittag / dan̄ sie werden durch ir außgehend
ganz verunadelt.

Item/ vnder den silbergängen / sind etliche die in han
gends vnd ligends quertz haben / etliche spatt/ etliche
hornsteyn/ etlich eysensteyn/ etlich weiß lätzig gebirge/
etliche klagsteyn/ etliche gemengt/ oder gesprengt stayn
von vil farbē/ nach vermischūg d̄ bradē mancherley na
tur/ die den stayn ferbē/ auch etlich ander selzam gebirg.

Auch führen die gāng zū teyl ihnen selbs Eißweiß / oder
gelb/ etliche glantz/ etliche wißmad arz/ etlich gilbe oder
geelee schweiff/ etliche weiße/ braun oder schwarze lāten/
etliche gebzante schwarze/ blawe/ braune oder grüne wite
terung/ nach geschickligkeit der minerischen bradem/ et
liche blentliche vnd dunckele/ etliche weißlicht gepürg/
dem alun gleich. Aber eyn theyl heyst sie durchsichtig
qwertz / wiewol es wider der qwertz natur im̄ feur gar
flüssig ist. Desgleichen auch an gepürg vnd geschicken/
führen die klüffte als yetz berürt ist von dē gang. Wo nun
dise mancherley geschick der gāng vnd klüffte/ an in selbs
silber haben / allda soll man den geschicken vnder augen
brechen in hangends oder ligends/ dann die geschick wer
den anweisung geben/ vnd das arz auff dem steenden
oder flachem gang beweisen oder eröffnen.

Wo aber von dem streicher oder hauptgang/ oder dar
über sich begeben/ schargenge/ henckklüffte / oder creutz
geng/ darauff mag man trostlich sencken/ dan̄ die gänge
veradeln sich daselb/ vñ werden fast guldig in der tieffe/
so diser geng vñ geschickt außgeend eins sein wirt gegen
mittnacht/ vñ das ander gegen morgen/ darumb ist gar
rethlich/ das man ortsweiß außlencke auff dem haupt
gang/

gang / nach andern zufälligen geschickē / die jr außgehend
vnd fallen haben / nach bequemen örteren der welt / wie
oben begriffen ist / als in manchē gebürg gar vil geschick /
nebē den gängē streichē vñ fallē / vō mancherley örtern d

Wo nun mancherley geschick in eym gebürg (welt.
bey dem gang sich zusamē lencken vñ in der tieffe zu hauff
hielten / darauff mag man tröstlich sencken / sonderlich
so sie die geschick mit silber beweisen / den in d tieffe ist gar
hofflich ein gut ertz zu erbawen. So aber in dem senckē ein
fewle kām / der darff man nit erschreckē / sunder sie artig
bey geschick behalten / vnd die selbe feule ganz absincken /
biß man den gang mit seinē geschickē in die frische ganz
widerbringet. So aber ein kām im gesenck vorschuss / vnd
ein hart gebürg oder steyn kām / dz es den gang oder das
ärzte vertruckt / vnd doch zwischen hangends vñ ligends /
ein lätten oder ander geschicklich art fürte / dem sol man
frölich nachfaren.

Wo nun spat gäng mit klüfften / witerung oder lät-
ten vermengt würdē / vñ mit eynand sielen / da ist in der
tieff gewißlich ertz zubawē / Darumb ist fast verhofflich
darauff zu sencken / wiewol der geschick eins oder zwey /
sich also abschnitten / doch so andere art zu kām / es were
Eiswerck / gilbe oder brand / die an jr selber silber hielt / der
mag man dannoch wol nach bawen.

Wo aber in dem sencken Spat erbawet würde / vñ sich
der Spat abschnitt / vñ in kurzem keyn ertz gesiel / da ist
zu besorgē / das die selbige Spat geschickt / nit ganghafte
sey / sunder ein geschütt / oder ein klufft witterung / die da
streichet neben den gengen. Nun ist zu mercken / das al-
le schargäng / oder hengklufft / so da fallen auß der mit-
ternacht / oder nahe darbei die veradeln den hauptgang /
hierumb ist gar verhofflich darauff zu bawē vñ zu senckē.

J ij Aber

Aber hengklüfft/ die da fallen auß dem Mittag oder nahe darbey/ die verunadeln alle gāng darzü sie eyle/ Des gleichen auch verunadeln alle Gāng vñnd klüfft/ es sey hengklüfft/ querklüfft/ creuzklüfft/ od̄ ander flözwerck die jr außgehn haben gegen mittag/ oder nahe dabey.

Mer ist zū mercken/ das gemeynlich die flachē geng/ nahe dem stehenden streichē/ wo nun klüffte/ creuzgeng/ oder ander geschick vñnd flözwerck / die beyde genge/ den stehenden vñnd den flachen/ creuzigen oder überfaren/ da ist gar verhofflich auß zū bawen vñnd zū sencken/ besond̄er so der geschick/ die creuzweiß überfallen/ außgehend/ ist gegen dem Morgen/ vñnd des hauptgangs oder flachen gangs außgehends / gegen Witternacht. Des gleichen ist auch hofflich zū bawen/ da sich der flach gang scharweiß mit seinē einen stollort auß den steenden gānc̄ fügt/ vñnd mit im streichen/ dan̄ jr vereynigung oder zūsamensfügung der tieffe / gar eynen mercklichen schatz bringt/ hierumb ist wol rätlich / das man zū zeiten brech in hangends vñnd ligends / von dem stehenden Gang/ ob man den flachen Gang erreichen möcht/ vñnd erfahren/ mit welchem stollort / vñnd wie ferz der flachgang sich zū dem stehenden Gang lencken wolt / vñnd also auß fürsichtigk̄eyt wirt gar off̄t ein mercklicher schatz/ mit geringem vñnkosten erbawet/ vñnd der vereynigung d̄ geng/ Dan̄ der flachgang/ lenckt sich gemeynlich zum steenden mit dem eynen stollort / darumb nach etlichem bergrecht der flach Gang / dem steenden/ als ein zinsbafftiger gang erkant wirt.

Item / zū verklärung vorgesagter geschicklichkeit der Gāng die sie inn ihn selbs haben/ ist zū mercken/ das diese Geng/ die in hangends vñnd ligends quertz / Spat oder hornsteyn haben/ vñnd darzwischen ein letten füren/ die sindt verhofflich zū bawen. Item die Geng die inn hangends vñnd

ends vnd ligends eisen stein füren/oder eyfenmal/vnnd
 in ihn selber wißmaderz/oder feyfte vn̄ zähe witterung
 haben/die selben sind auch hofflich zū bawen. Item dise
 Geng/die in hangends vnd ligends fürn ein weissen zech
 steyn/vnnd in ihn selber schwarze oder gebrante witter-
 ung haben/die selben sind auch hofflich zū bawen/doch
 mit solchem streichen/vn̄ außgehend der Geng/als oben
 berürt ist. Item die Geng so mit vestem gepürg verschlof-
 fen vnd verfasset sein/vn̄ in sich selbs milde oder schiferi-
 ge geschick fürē/die mit glaßertz oder ander stachel frisch
 erzt vermengt sein/die selbigen geng sind gar hofflich zū
 bawē/dan̄ solche geschick in der tieffe ein mercklichē schatz
 bringen/so sie mit andern geschicken oder bequemen strei-
 chē fallen vn̄ außgeend veradelt werdē als oben berürt ist.

Das. V. Capitel.

Von Goldertz.

SAs Gold ärtz aber nach meynung der weisen/ist ge-
 würcket auß dem aller klärstē schwefel/also seer ge-
 reynigt vnnd geleutert in der erden/durch die wirckung
 des himels/fürnemlich der Sonnen/das keyn feyftig-
 keyt in jm ist/die durch das feur verzeret vn̄ verbrennet
 künde werden/Auch keyn vnbeständige wässerige feuch-
 tigkeyt/die von dem feur hinweg rauchen möchte/Vnd
 auß dem aller bestendigsten quecksilber/auffs höchste ge-
 reyniget/also seer/das ein lauterer schwefel in der wür-
 ckung kein hindernus in jm findet. Also durchwirckt vnd
 ferbt von seinem außwendigē bis in den grund alle thayl
 zū gleych/mith seiner bestendigen citrin farb/vnnd also
 die bayde als der Schwefel vn̄ dz Quecksilber/als mis-
 J ij nerisch

nerisch materi/durch einfluß des himels zu geeygent der
Sonnen/vnnd durch geschickligkeyt der statt die herwid-
der beugt/oder widertreibt/vnnd bricht inn sich selbs die
minerischen bradem des schwefels vnd quecksilbers / die
selben werden mit den aller stercksten vnd krefftigisten
verbindungen vereynet zu eym metallischen körper/wöl-
liche verpüntnus die scherpfest vnd gröst würckung des
feürs nit mag auflösen.

Das Gold würt in mancherley stätten gewürckt / Et-
lich in schlechte sand des fließes/etlich vnder der tham-
erden bey dem sumpffen/etlich in eynem tiefwercke / et-
lich in klüfften oder gengen gedigen / auch etlich inn
manchen geschickten vnd witrung / so die geng vnd klüfft
in in selbs fürē/ es seyē schiferwerck / od̄ schwarz/ braun/
graw/ blau oder gelb witterüg/ oder lette geschick . Das
Gold so gewürcket wirt inn dem sand des flusses / das ist
das aller klärst vnnd höchst gold / dann sein materi wirt
groß wolgeleutert/durch den fluß vnd widerfluß des was-
sers / vnd durch die eygenschafft der stätt / darinn das selb
gold erfunden wirt / von gelegenheyt des wassers / dar-
inn das seyphen Gold gewürcket wirt.

Das bequemeste läger des wassers ist / das es neben
im gen Witternacht hab eyn gepürg / vnnd herwider-
umb gegen Mittag oder Abent ein fleche/darzu sein fließ-
sen sol sein auß dem Morgen in den Abent / vnnd das ist
das bequemest fließen des wassers . Das ander fließen
nach disem in der wird / ist von dem Abent in den Mor-
gen/mit solchem läger des gepürz / als jetzt gesagt ist.
Das drit fließen/ist auß der Witternacht inn Mittag /
mit eym gepürg gegen dem Morgē. Aber das ergst fließ-
sen des wassers / zu bereytung des Goldes / ist auß dem
Mittag in die Witternacht / so ein gepürg in der höbe/
gegen

gegen dem Abend auff erhöhen ist. Das fließen des wassers / wirt gemanchfeltiget von den örteren der ganzen welt / eben als das streichen der geng / oben in dem Capitel von den Silber gängen beschriben / Vnnd eyn jetzliches fließen wirt besser vnnnd seerer geacht / nach dem es sich näher oder ferrer lencke von dem jetzgesagte fließen.

Der Abend.



Der Morgen.

Zu mehrer erkantnus diser statt vnd wasser die Goldfurn / ist zu mercken / das gemeynlich in den flüssen / darinn gefunden werde Edelsteyn / als Amatisten / Rubin / Cristall / oder andere hohe gelentterte steynkörner /
da wurde

Da wirdt das Golde bequemlich geboren / vnd ist ein an-
zeyg zu einer geschicklicheyt der statt / Dañ nach der mey-
nung Alberti magni / werden gar selten hitzige vnd trus-
ckne bradem / oder exhalationes / auffgezogen auß der er-
den / sonder mit jhn werden auch auffgezogē warme vnd
feuchte bradem. Auß dem truckenen bradem werden ge-
wircket vnd geboren die steyn / vnd nach dem die bradem
kelerer / subtiler vnd edler sein / darnach werden auch die
steyn schöner / besser vnd krefftiger. Auß den feuchten bra-
dem werden gewircket vnd gemacht die Metall / vnd dar-
nach die bradem / oder dünst / von kelerer / auf geleuteter
vnd wolgedeweter materi auffgezogen werde / darnach
wirt auch bestendiger vnd besser Metall drauß. Dieweil
nun die beyde / feuchte vnd truckne bradem mit einander
auffgezogen werden / vnd yeglich nach seiner natur ge-
hertt / so ist es gar ein gewiß anzeygüg des goldes / als yetz
gesagt ist / so in dem fluß edel gesteyn erfunden werden.
Auch wo in dem fluß / oder nahe darbey schönlin kórner /
die von gedichtem vnd subtilen spiß seind / erfunden wer-
den / daruon nit weit ist das Goldwerck / aber die kórner
müssen sein von subtiler speiß / dañ wo grob spißig schön-
lin erfunden werden / alldo ist wenig zu hoffen des besten
vñ subtilen Metals geschickt / als des Golds. Item / das
Gold / so vnder der tham erden bei den sumpfen gewyr-
cket wirdt / ist geringer / vñ vnguldiger / nach dem der
graw oder schwarzraum / der sich mit dem Gold flemer-
li / oder goldkörnli zu schlich zeucht / darnach d selbig mehr
wirdt darunder geschmelze / dañ der selbig wirt gar offte
an vil orten mehr silber dañ gold / auch kupffer / darumb
wirts gold durch vermischüg des silbers geringert. Auch
hat der raum zu zeiten ein wildigkeyt bey sich / die dem
Gold sein edle vñ hohe farb vertunckelt / das also das
Goldt ge

Goldt ge

Gold geringer geacht würt an dē Grad. Jedoch ist es von diser sach wegen gar wenig geringer / dann durch eyn kleyne kunstlich arbeyt / mag eyn solche würdigkeyt dem Gold woll benomen werden / also / das seine hohe farb vnuerdunckelt bleibet.

Zü eyner erkantnis eyner bequemen statt / diser Goldgeberung / ist zü merckē / so vnder der tham erdē / da das werck liget / vil gwirrerte stremlin erfunden werden / gleich als die äderlin od kleyne klüfflin als man zü zeiten findet durch den leyden streichen in den leyden grüben / da ist gar hoflich gütt schlichtwerck von züerwecken / vnd besunderlich an dem ort da sich die kleyne stremlin zü hauffschicken oder mern / Dan durch die selbe würt die minerische krafft / auß der erden da selbst vermeret vñ bekräftiget / zü eyner grössern geberung des Golds.

Item / Das Gold das gwirckt würt im kiffwerck / ist mit vil vñ mancherley vnart vermischet / eyns wildē Schwefels vnd vnreynen erden halben / darauf das kiffwerck gemacht würt / yedoch langer zeit halb / durch wirkung der Sonnen vnd des himels / würt das subtilest / in dem kiffwerck gereynigt vñ gekocht / in eyn teyl nach dem andern / zü eynem beständigen Goldartz / das man dann durch grosse arbeyt des feurs / von dem vnreynen kiffwerck abschneiden muß.

Dises Goldkiffwerck / würt an etlichen orten funden / als eyn gantz fletzwerc / das durch die ganze fleche des gebürgs liget / vñ würt nach etlicher land art eyn Schwebeder gang genant. Auch würt etlichs gefunden ganckhafftig / in ständen / gängen die hangends vnd ligends bey sich haben.

Das flache kiffwerck ist vast gering / die weil die wirkung des himels / vonn vngeschickligkeyt der statt / wenig macht darbei volendet.

Aber dz Goldkiffwerck / das ganckhafftig steht / würt bes
K ser vnd

ser vñ guldiger geacht nach dem der zechsteyn des gangs in
hangēds vñ ligēds/subtiler vñ adelischer ist/vñ auch nach
dem die Goldgāng jr streichen vñ außgehend haben/zū be-
quemen orten der welt/vñ darnach sie mit zufelligē klüfften
durch wittert seind/die dem Gang eyn veradelung bringē/
als oben im capitel von den Silbergāngē gemeldt ist/dar-
nach werden sie auch besser vñ guldiger geacht. Auch dz gold
das in andēn gengē/on klüßgāng gewirckt/würt etlichs gedig
en sunden an dem steyn/etlichs in eynen gelben lettē/etlichs
in eynen braunē subtilē witterung/auch etlichs in den quertz
en vermengt vnd darein gewirckt.

Wo sich nūn die braune witterung ganghafftig bewei-
set/da ist vast hoflich zū bawen/dann zufellig geschick von
hengklüfften der tieffe eynen mercklichen schatz bringen.

Des gleichen/wo die gelben lettē ganghafftig stehn/dar-
auff ist auch hoflich zū senckē/so der Gang in hangēds vñ
ligēds/eynen subtilē zechsteyn führen ist. Darzū wo dz Gold
in den klüfften gedigen erfundē/würt die neben den gāngen
streichen/da soll man acht haben/an welchem ort die klufft zū
dem gang eilet alda sol man tröstlich nachbawē vñ sencken.
So aber die selb klufft vom Gang eilet/ist zū besorgen/das
schwerlich etwas mercklichs dar auff zū bawē steht/Es were
dan das sie hinauß werts zū eynē andern Gang eilte. Dar-
umb ist gar reblich/wo solch hengklufft/die gedigen Gold
führen von dem Gang eilen vnd fallen/dz man auff das selb
ort mit schürpffen eyn erfahrung oder sūchung nach andern
Gengen thū/vnnd also mit fürsichtigkeyt die klufft geschick
vnd Gāng bei eynander erbawe.

Das VI. Capitel.

Von dem zinartz.

Zinartz/oder der Zwitter/würt auß Jupiters eynfluß ge-
wirckt/von reynē quecksilber vñ wenigem schwefel vnd
in der

In der Vermischung diser beyden/werden vndermengt vnär-
tige grobe schwefliche bradem/die sich mit eynäder incorpo-
rieren vñ vereynigē/zü eynē metall/Zin genant/von welch-
em vnärtigen bradem / eyn yetlichs Zin / starck / riechendt/
knürschig vnd brüchig ist/also das es auch all metal darun-
der es gemengt würt/vnärtig vnd brüchig macht.

Item eyn teyl des Zitters / würt geborn in dem fluß /
wie oben dz Gold/vñ etlichs geweschē/großkörnig/den schön-
lin gleich/vñ darauß würt das schönst vñ best Zin das man
seyffen Zin nennt/dañ sein materi würt gar reyn geleutert/
vnd durch die eygenthschafft der stat geadelt. Auch würt et-
licher Zinsteyn gewürckt in den bergē/vñ ganghafft erfun-
den/derselbig würt besser geacht/nach dem er ferrer von den
kießgāngē funden/vñ weniger damit vermischet würt/son-
derlich mit gedichtem vñ kupferigem/ß vast schwerlich vom
Zinsteyn kan geschiden werdē. Aber der taub kieß ist in dem
Zinsteyn nit so vast schedlich / Dann durch die scherpfte des
fews würt er geleichtert vñ geäschert / also das er auff dem
Tast mit dem wasser vom Zinsteyn hinweg weicht.

Auch würt der Zwitter od zinsteyn/eyn teyl fundē in eyn
geschüt/nestig vñ nit ganghafftig auff dē berg/diser Zwi-
ter ist aber leuterer vñ besser/nach dem er weiter von den kieß
gengē leit/vñ weniger mit eiserigē schwefel vermischet würt.

Eyn anweisung zü disem Zinsteyn ist dz er gemeynlich
an den tag blüet/vnd geschüb von sich stoßt.

Das. VII. Capitel

Von dem kupfferartz.

Rupferartz ist gewürckt auß dem einfluß Veneris / von
gütem vnd reynem quecksilber/yedoch nit gar entbun-
dē/von überiger vngceeygnetter feuchte/vñ vō überhitzigem
brenēdem vñ vnreynē schwefel/ vō welcher hitz des schwefels
das gānze Metal / durch alle sinteyl / rot geferbt würt. Dises
metalartz / würt eyn teyl in schiffrigen fletzwercē erfunden

K ij vnd

vnd eyn teyl ganghafftig mit mancherley art/etlich braun/
etlich grün/etlich kiffig. Das kupferertz in dē schifer werck
ist mit seer vil taubem gebirg vermengt das schwerlich das
metall/als durch das schlechte durchlassen oder schmelzen/
herauß gebracht würt. Aber dz gāghafftig kupferertz/würt
besser vnd guldiger erfunden/nach dem der gang in seinem
hangend vnd ligend mit eynē edlen vnd artigern zechsteyn
verfaßt würt. Auch darnach die gāng jr streichē haben/von
bequemlichen orten d̄ welt/als oben gesagt ist von den Sil
bergāngen vnd auch darnach die Gāng mer vnnnd mer/von
zufälligen klüfften vnd geschicken/werdē veradelt/darnach
fürn sie auch besser vnd reicher kupferertz in in selbst.

Das streichen der kupfergeng/vñ jr veradlung/vernim̄
zū gleicherweiß wie oben gemelt ist von der veradlung der
silbergāng/Alleyn das die kupffergāng gemeynklich/die do
streichen an dem geheng des bergs/gegen der Witternacht
mächtig seind/vnd jr kupfer ist doch geringer an dem Sil
ber. Aber die gāng die da streichē an dem geheng des bergs
gen mittag/seind subtiler/vñ jr kupfer ist reicher von silber.
Auch werden dise Gāng veradelt durch jr streichen/als oben
von den Silbergangen gemelt ist.

Das . VIII. Capitel.

Von dem eisensteyn.

Das eisen ist gewürckt/auf dem einfluß Martis/von
vntreynē Quecksilber vñ sprödem vnartigem Schwe
fel/welcher vil erden/in d̄ vermischung des metalls/mit im
eingezogē hatt/darum̄ das eisen gar schwerlich im feür zū er
weyhen ist/vnd firt vast vil rosts in im von des vnertigen
schwefels wegē/der halben laßt sichs auch mit keynē anderem
Metall leichtlich vermischen/ingießsen/noch vereynigen.
Der Eisensteyn/würt an etlichen enden funden/als ein
geschüt es.

geschütes fletzwerck / braun vñnd gelb / An etlichen enden ganghafftig. Der eysensteyn auß dem fletzwerck / gibt vil stozias/oder eysen schlacken vñnd wenig eysen. Aber derganghafftig eysen stayn/ gybt reichlicher eysen / yedoch i stz zūzeiten spröd/vmb vermischung willen/einer art von ein andern metall.

Jr em die eysengeng / wol verfasset mit hangends vñnd ligends/sind nit zū verachten / vorab so jr streychen ist auß dem morgen inn den abent/vñnd jr fallends inn den mittag Vñnd so jr ligends vñn außgeends gegē Mitternacht streicht/ vñnd so der eisenstayn abgefunctenwirt / beweyßt sich der Gang gemainklich mit gold / od mit anderm würdigē artz.

Das IX. Capitel.

Von pleyartz

Pleyertz ist gwyrckt auß dem einfluß Saturni / auß vngedignem/wässerigem / schwerē/vnraynem quecksilber / vñnd vonn wenigem Schwebel / der durch seine außgewitterte hitzige pradem/das quecksilber kocht/vñnd zūsammen gerendt/zū einem metallischen cörper / vñnd als die beyde/der schwefel vñn das quecksilber/mit einer schwachen verbindung vereynigt werden / also wirt auch ihr metallisch cörper/das pley/leichtlich in dem feur verzert / vñn hinweg getriben.

Dises metalls ertz/wirt etlich gefundē als ein schwebende der Gang/etlich in einem stehendē gang / Das schwebēde pleyertz / vñnder dem rasem/ist geringe am silber/ es sey dan das silbergeschick darzū fallen/ als wol von den klüfften geschehen kan. Aber das ganghafftig bleyertz/ist reycher vñnd höher am silber/darnach sein streichen fallen / vñnd veradelung besser ist/als oben vonn dem silber gesagt ist. Ganghafftig bleyertz wirt zūzeiten gefunden schwartz / zūzeiten menfarb/vñnd zūzeiten glantzig.

K. ij.

Das

Das. X. capitel.

Von dem gemeinen quecksilber.

SAls gemein Quecksilber wirt gewircket auß dem einö
fluß Mercurij/ auß schleimiger wässerichter feuchtüg
die vermengt wirt mit der aller subtilsten schwefeliger erö
den. Diß metals wirt etliches gefunden inn einer braunen
erd gewürckt / als ein ander metallärzte/ etliches in grüben/
das geflossen ist auß den klufften vñ auß der erden in einen
sumpf als das wasser. Auch wirt etlich auffgepradempt
vnd gezogen vber die erden/ vnd wirt gesunde in dem gras
auff der erden.

Dises metall ist einer wunderlichen natur / als die Alchi
mistē wol erfahrung haben/ die selbigē will ich auff diß mal/
von seiner natur ferzner lassen zancken.

Knappius. Auß erkantnuß der materien / darauß das ärzt
gemacht / vnd der statt in wölcher es bequemlich gewirckt
wirt/ kan ich nit erkunden/ durch wölche weyse diß oder das
ander/ zü gedachtem Metall geschmelzt möchte werden.

Daniel. Die Schicht ist auffgefaren / yetzt ist genüg von
dem gesagt/ morgen wollen wir auß der Kaw / in die hütē
gehē/ so will ich dir sagē/ mit wölchem züsatz das schwefelich
ärzt/ mit wölchem das leuchtflüssig / mit welchem dz wild/
mit welchem das grob / oder klaynspissig ärzt geschmelzt
soll werden/ zc.

Ob jemandt zü besserem vnderscheidt vnd erkantnus der
berg/ die Figuren wolt lassen außstreichen oder malen / so
mag man die geng gelb / nebel vnd witterungrauchfarb/
die wasser blau/ welliches jedes sey/ hab ich verstantz halb
mererteyls mit büchstaben also zeichnet.

Geng

g
w
n

Geng des bergs.
Witterung des bergs.
Nebel des bergs.

Ein fundgrüb ist die erst zech oder grübē auffcym newē gang/vnnd hat drey wehr. Ein Wehr ist. 14. lachter / vn̄ ein wehr vn̄ ein fundgrüb hat drey wehr für jr maß / dz ist 42. lachter Die Negsten / vnd andern massen / souil anff dem selben Gang auffgenommen werden / hat ein jedes maß nit mer dann zwey wehr / das ist 24. lachter.

Fundgrüb
vn̄ ein wehr
Negsten vn̄
Messen.

Ein leben ist 7. lachtern / 2. leben ist ein Wehr / 3. wehr ist ein fundgrüb / 2. wehr ist ein Negste / oder annder maß / wie oben berürt ist.

Ein Leben

Ein jeder Gang hat inn ewige tieffe vierdthhalb lachter ins hangends / vn̄ vierdthhalb lachter ins ligends / Das heysst des gangs vierung / macht beyds 7. lachter.

fierung

Des Gangs hangends / ist das dach so auff dem gang ligt / vnd sein dach ist.

Hangends

Des Gangs ligends ist / darauff der Gang ligt.

Ligends.

Ist da er antag außstößt / alls etlich Geng habē jr außgeends inn morgen / etlich in mittag / etlich in abent / etlich gegen mitnach / auch etlich zwischē der obbemeltē vier ortē jr außgeng haben / ist auff einem Compast leichtlich zu verstehen.

Ausgehends

Etlich ist vom morgē inn abent / etlich von Mittag gegen mitnacht / wie mā auch auffcynem Compast bericht haben kan.

Streichens
Geng

Ist / dz ebē hinweg ligt / vn̄ weß vnd sich noch über sich felt Wenn man auff einem fleg verleicht / so verleicht man in die vierung / als ein fundgrüb in die leng 42. lachter / vnd in die breyt auch 42. lachter.

fleg.
Ein fleg
wie er gelt
wirt.

Wölch schmal sind wie messerrück / schmeler oder dicker / vnd haben jr streichens vnd außgeens wie die Geng.

Klüfflin

Schächt

Schächt. Schächt/liechtlocher / oder Winschet ist alles ein nam / so
 man darinn vnder sich arbeyt / nennt man gesuncken.
 Richtschäch Ist / darinn man fürdermus hat mit bergartz / vnd den
 mantieffe sinckt.
 Hornstatt. Ist ein weite gborchen / da der haspel stett.
 Haspels Ist darinn der rund baum ligt.
 stützen Ist darinn die haspelstützen stehen.
 hengbanck. Ist / damit man berg vñ ertz herauf zeucht mit einseil.
 Haspel. Ist darin man berg zeucht / was nit ertz ist / haist alles
 Bergkübel. berg.
 Ist darinn man ertz zeucht.
 Ertzkübel. Ist darinn man wasser zeucht.
 Wasserziber Ist darinn man wasser helt.
 Sumpff. Ist damit man einpfützt / dan man spricht / einpfützt /
 Pfützeymer mit eingeschepfft.
 Satt. Ist darauff man in die grubfert / heisset einfart / nit ein
 laiter.
 Gezimmer Ist tragstemppfel jocher ein strichspreitzen.
 in schachten. Ist wenn man zimmert / vnd so das gezimmer nit vest
 Verpfendt. stehet / das mans antreibt mit hültzenen keülen.
 Lengo der Ist dz man treibt auff eym gang / oder nebē eym Gang.
 feler. Ist / das man ein ort neben dem ganck treibt / vñnd den
 Verschrempt oder ganck steen laßt / es heysset auch den ganck aufffaren.
 Verfarn Ist wenn der ganck also verfarn ist / wie obgemelt / das
 Nachgez schlagen. man alsdann nachschlecht.
 wätgeworf Ist so es seer faist ist / so muß man ritz hawen / das man
 fen oder ab plotz vnd keyl darcin setzen kan / darnach schlagen die bewer
 getriben. feusteln drauff / dz heyst ein wand geworffen od abgetribē.
 fest. Ist / wenn der Gang hert zü gewinnen ist.
 Schnedig Ist / wenn der Ganck oder gebirg gut zü gewinnen ist.
 Gezeuge da Groesse feustel / klein feustel / plotz / keilkratzen / eisen simel /
 mit man inn keilhawen / puch feustel / ist alles gezeug damit man artz ge
 der gruben wint vnd pucht.
 arbeytet Ist

31
Ist eyn weit raum inn der grübē geprochen/darein man Fulort:
artz vnd berg stürzt / man heyßts gestürzt / nit geschütt/
in der grüben.

Ist eyn ort das man durch querstein treibet/auff einem Querschlag
Gang oder Klufft/ man treibt auch zu zeyten qwerschleg
auff klüfften vnd Gengen/so man die haben mag.

Ist wenn einer am tag anhebt zu suchen nach Gengen Schurpffē.
vnd klüfften.

Ist/wenn eyner geschürfft hat / vnd der schürff zu tieff Seyl vñ kü-
wirt/das er ein haspel darüber setze muß/vnd die erste sider bel einges-
muß die er herauf thun/mit seyl vnd kübeln / das heyst seyl worffen.
vnd kübel eingeworffen.

Ist den in an am tag vber ein grüb setzt mit holtz vnd windfang.
brettern/daran sich das wetter wechselt/das man in der grü-
ben oder in dem Schacht arbeyten kan.

Ist wo eyner in eyner grüben anfahet eyn ort zu treiben / Angefessen.
das heisset dan angeessen.

Eyn straff ist / Wan man eyn ort teylet also/das eyner Straß vnd
mit eynem sitzort wegferet/vnd der ander die straff hinach sit ort.
treibt/so heyst dann das oberteyl ein sitz ort/ das vnder/die
straff.

Darauff der hawer vor dem ort sitzt.

Daran der hawer die eysen furt.

Eyn stoln ist den man anfahet in eym tal oder grund/vñ Eins stollen
zu eyner grüben treiben will / vnd ehe man vnder kreücht / mundloch.
heyst es des stoln mundloch.

Wan man anfahet/vnd tür lin setzt vnd man hinein fert Vnderge-
erstlich in stollen. krochen.

Thür lin vñ kappen/auff stolleytern vñ lengerten gesetzt/ Tür lin / Kap-
heyst eynthür lin gesetzt/das ist / das holtz das die leng auff/ pen/vñ ver-
steht/vñ die höltzer die oben darauff ligen/heysen kappen / schiffen.
vnd die kleynen höltzlin/die man in hangends vnd ligends
L legt/

legt/heyßt man verschossen.

Wasserseich
fürst.
Solen.
Treckwerck

Ist/da das wasser in das mundloch hinauß laufft.

Eyn veglicher ort oder stohn oben heyst in der fürst.

Der stohn vnden heyst auff der solen.

Ist/das man mit brettern schlecht/zwischen der solen vnder fürst/darauff man ein vnnnd auß feret/vnnd den berg drauffberauff laufft.

Rost oder
tregstollen.

Eyn rost getriben ist/wann man eyn stohn treibt/der vnder vj. lachter einkompt/od tieffer/bis auff. xv. oder. xvj. lachter.

Einkömen.
Durch-
schlag.

Einkompt ist/wann man eyn durchschlag macht/da man wetter bringt vnd wasser benimpt.

Ist/wann man örter oder stollen gegen eynander treibt/wann man züsamnen kompt das heyst dann eyn durchschlag gemacht.

wetter-
bracht.

Ist/das der wind durch den durchschlag oder stollen hindurch in die zeche zeucht/das man darbei arbeyten kan.

wasserbe-
nimet.

Ist/das das wasser/so der durchschlag gemacht ist/auff dem stohn hinauß an tag laufft.

Handsteyn
oder stuffen

Ertz/heyßt man auff den Berckwercken vñ mit eyn stuck ertz oder berg.

Ertzge-
bucht
Hall.

oder gescheyden/vnnd nit geklopfft.

Ist der berg/den man in eynen grüben gewint/es sei vil oder wenig das heyst dann der grüben hall.

Beintz

Ist eyn rörwerck/darinn eyn eyserin seyl mit taschen/da mit man eyn groß wasser hebt/man heyst es eyserin seyl vñ mit ketten.

Pumpen.

Ist eyn roze/darein ist eyn strudel gemacht/die legt man in eynen sumpff/da zeucht eyn knab eyn zimliches wasser. 2. oder. 3. lachter.

Bunst.

Ist/damit man eyn groß wasser hebet/treibt eyn wasser das ander/die brauchet man auff berckwerckē/die man tieff absenckē

absencket / vnd seer wasser nötig seind.

Ist / wann eyn ganck gerad nider felt / vñ weder hangents noch ligends hat. Seyger gericht.

Ist wann eyn gang flach fellet / vñnd hangends vnd ligends hat. Flach.

Ist / das man eyn ort / erbstuffen / oder eynē schacht an tag bringt das man am tag weyßt wo man in der grübē bawet. Gemersheyte Geschit vnd abgezogen.

Ist / wo man eym sein maß gibt am tag mit schühen / als eyn er Fundgrüb. 48. lachter / vñ eyn er nechste maß. 28. lachter / vñnd wo eyn maß wendet / da grebet man eynen steyn ein / darin bawet man eyn creütz. Gemessen eyn lochstein

Ist / wo sich die massen theylen do der lochsteyn steht. Marscheyd. Erbstuffen.

Ist das man den Lochsteyn / darauff d mehrscheyd steht in die grüb langt / darbei weyßt eyn jeder wo sein maß wendet Abwegen.

Ist / da man eyn ort oder stolln / oder anders gegeneynander der wiget / das man weyßt wo die tieffe gegeneynander ist. Schichtmeister.

Ist / der werckgelt einnimpt / lonet / verrechnet / Schmelzt hütten versorgt. Steiger od hutman.

Ist / der auff die arbeyter siehet / in eysen vñnd vnschlet gibt / die grüben mit gezimmer / vñnd andern so von nöthen / versorgt. Bewer.

Ist der das ertz oder bereck hawet. Bergknecht wasserknecht.

Ist der berg vñnd ertz zeucht / vnd laufft. Irtzpucherer weicher.

Ist der wasser zeucht. Junger.

Ist der das ertz pucht. Die kurtz schicht.

Ist der das kleyn weicht. Läg schicht.

Ist der bereck oder ertz anschlecht. L ij Zwen

Ist acht stund lang.

Oder küschicht / ist zwölff stund lang.

Stein vnd
Bucks.

Zwen vnd 30. stam/oder. 128. kuck hat eyn grubteyl.
Ist/damit man verscheißt in schächten zwischē den thür
lin/vnd wo man kisten schlecht.

Kasten =
tangen.
Kasten ge=
thlagen.

Ist wo man weitten in den gruben außhawet / vnd daro
nach starcke trag stemppfel/in hangends vnd ligends an
treibt/vnd kisten stangen darauff legt/vnd darnach mit
berg versetzt.

Hernach volgen etlich zusatz/

so man in den hütten auff silber/
vnd kupffer gebraucht.

Zusatz auff
silber artz.

Frisch bley/hart bley/glet/hert/floß kupfer schlackē/steyn/
kohn vnd gekürnt frisch blei.

Ist/das vorhien nit gebraucht ist.

Frisch bley
Hart bley
vnd glet.
Hert.

Ist das bley das vom silber gescheyden würt wann man
abtreibt.

Ist die äschen damit der treibhert gemacht ist ehe man
getriben hat/die hebet man nach dem treiben wider ab.

Ist/darauff man das werck abtreibt.

Treibbert.
Abgetriben.
Treibhutt.

Ist/wañ man das silber vnd bley von eynander scheydt.
Ist von eysen gemacht den man über den herd setzt wann
man abtreibt.

Zusatz zum
Kupfer artz.

Zum kupfer artz bedarff man keynen zusatz dann floß / zu
etliche bedarff man auch keyn floß / man muß aber eyns mer
dañ das ander rösten/darnach es wild oder geschmeidig ist/
darnach machet man steyn darauß/darnach schwartz kupfer
fer/darnach gar kupfer wañ dz kupfer über vj.lot silber helt/
bedarff mans nit gar machen/sunder schwartz kupfer.

Gezeug in
hütten.

Daß gezeug in hütten damit man arbeytet / heyst man
sewz hacken/renneysen/stecheysen / brechstangen/ze.

Schichtge =
s. u.

Ist/wenn man das ertz vnd den zusatz zusammentsetzt/
als vil man eyn schicht schmelzen wil.

Ist/wen

Ist/wenn man anfahet zu schmelzen.

Angelassen
Aufgelasse

Ist wenn er schicht macht oder auffhört.

Ist/wenn der schmelzer den ofen wider zürist auff einen andern tag.

Zugemachte
Fürgelauffe

Ist/wen der helffer knechte dem schmelzer den zusatz den erbedarff/zü tregt vnd laufft.

Verzeychnung der Bergk

werck der Cronen zu Beham vnderworffen.



Als Berckwerck von der Jgla ist die älst berckstat vnder der Cronen von Beham / da noch die bercks vrteil geholt werdent von vil berckstetten / vnnnd fürnemlich von dem Schneberg / von sant Annenberg / vnnnd von sant Joachimstal / zc. Auch gefelt inn keynem land mehr / vnd so mancherley berckwerck vnd artz als im land zu Beham vnnnd der selben umbliegenden gebürg.

Item was für silber / gold / oder zin Berckwerck im land zu Beham gelegen / gebawen vnd noch fündig sind / nach der statt Jgla setz ich die fürnemsten berckster Sant Joachimsthal vnd den Kutttenberg / da teglich vil silber artz in bricht / nachuolgens sant Katrinberg Küngestock zum grab zu S plaw cladran mieß ropel pilsen losin wilbartitz Mellisaw / przibran / Deutschenrod / auff der Eyknien Strehowitz / Rotenberg / kem / Sätprocopsberg / Bauerstin im risegründ Hackereusel / züberstein im kreys Krumpēaw. Dise Berckwerck des lands zu beham beweisent sich alle mit silber. wie wol zer vil bawfellig vnnnd verfallen / aber noch höfflich zu bawen der gold / ertz vnder der Cronen zu beham beweisent sich etzlich geng nahet bey der statt Prag auch bey prün in Oettern / zu Reichenstein / vñ Mellisaw

L. ij. sint

sint Vierthalbhundert goldt mülen gestanden / zū teschla
witz ein goldberckwerck / zū Schlagkenwald vñ zūm gruff
en zin berckwerck / noch ist geschwigē / des kōsparlichē edlen
gesteins / im land zū Beham darnach mit vil gebawē wurt
das vnzalbar da ist.

Im anfang der Hussischen Sectē / vñ des Behamisch
en glaubēs vnder d̄ regierung Keiser Sigmunds hochlōb
licher gedechtnis / sint die Behā mit grosser vngestimitēit
wider dē Babst vñ den geistlichē stant gewest / habent die
clōster verhart / Mūnch vñ Pfaffen vertribē / land vñ stett
alles verwuscht vñ verbert so vil sie überwindē mochten bis
so lang sie Kaiser Sigmūt mit hilff des Rōmischē Reichs
über zoch vñnd sich mit ein mechtigen her gelegert für die
hauptstat Prag / da die Behā grossen schadē namēt vñ vil
erfarner berckleut vñkōmēt auch hinwider der Kaiser mit
seinem herz vñ hilff des Rōmischē Reichs von wegē grosser
vngestimitēit der Beham auch grossen schadē empfangen /
zertranten das volck / vñ schlugens in die flucht / darnach
dorfft sich lange zeit kein Teutscher im land mer offenbarē
laut der historiē vñd Cronica / also wurden die berckwerck
inder gelegte verbert / die schecht eingefallen vñnd also zer
gangen vñ in manchē jar darnach kein verstendiger berck
man mer in das Behemisch land kumē / auch hats vilicht
Got der almechtig zū der selbigē zeit noch nit gewellen / dz
so vil emplōster mechtiger berckwerck an tag kumē sollent
die nun zūm teil wider zū bawen angefangē vñd sich reich
lich beweisen / Got verleich allen gewercken sein götliche
gnad dar zū / mit reicher außpeuth.

Wie vil amtleuth ein berckwerck

zū haben noturfftig ist.

Erstlich setzt ein jetzlicher Fürst oder her an sein stat einē
hauptman

haupt man der zů gebieten vñnd zů verbieten hat über alle
 amtleuth / vñd was dem berckwerck vnderworffen ist / dar
 nach einen verstendigen berckmeister / darnach acht berg
 verstendige mǎner welche die geschwornē genant sint / mer
 zwen zehentner vñ zwen hüttenreuter / einen aufteiler ein
 legenschreiber vñ ein berckschreiber / darzů gericht vñ rechte
 verordnet was ein jetzlicher thün oder lassen sol / schicht mei
 ster / schmeltzer / steiger / berckhawer / sampt and berckleuth
 mit irem werckzeug den sie täglich zů clufft vñ gengen ge
 brauchent zc.

Des berckmeisters eynd / vñd an

deren obgenantē amtleutē vñ allen den
 die mit ämtern beladen sind.

Ich. N. schwere das ich wil meinen gnedigstē hern. N. zc
 getrew vñ gewertig / dz berckmeister amit treulich vñ fleiß
 sig verwesē / ierer Fürstlichē gnadē gerechtikeit hant habē /
 der gewercken vñd gemeineß berckwercks nutz fürdern / jes
 derman was sich von recht vñd bilikeit eygent gestattē vñ
 verhelffen / meines gnedigstē herze ordnung allenthalbē
 hant haben / vñd selber was mir darinnen auffgelegt ist /
 verbringen / alles nach meinem höchsten verstentnuß vñd
 vermügen wil auch in dem allen / keins andern genieß dan
 der mir von ierer Fürstlichen genaden der ordnung nach
 zů gelassen ist / gebrauchē / vñ mich wid dises alles / keinen
 nutz noch gabe / gunst / fründtschafft od veindschafft bewe
 gē lassē / als mir got beiff durch Jesū Christiū vnsern hern.

Gleicherweis sint all obbenante amtleuth vñderschei
 denlich / ein jeder zů seinem amt auch verpflucht
 vñnd bee ydigt / zc.

Durch Johan Waselberger auß der Reichenaw
 in Druck verordnet

Faint, illegible text at the top of the page, possibly bleed-through from the reverse side.

Second section of faint, illegible text in the middle of the page.

Third section of faint, illegible text at the bottom of the page.

12 81

P 111

(R.S.)

M. Sax M. 154

7 Okt 1988
4. Okt 1988

19 Jan 1989

[Faint, illegible handwritten text at the top of the page]



Handwritten text on the spine, likely a library or collection number, including the number '101'.

H
1